

文獻叢編

二十六年第三輯

二十六年第三輯文獻叢編目錄

明憲宗賜朱永鐵券圖

滿文木牌圖

禮部為抄送召募太監則例覆內務府咨

附召募太監則例粘單 乾隆四十年十二月二十一日內務府檔

覆勘文淵文源二閣所貯四庫全書檔 乾隆五十二年五月內務府檔

和碩恭親王奕訢等奏籌辦光緒大婚典禮摺

附康熙四年大婚典禮成案 同治八年三月初八日內務府檔

滿本堂事宜冊 光緒朝內閣大庫檔

蘇州織造李煦奏摺(續) 宮中檔案

奏報米價摺

奏報勸諭鹽商上緊納課摺

請令江防同知移駐三江彈壓俵棍摺

奏戶部題准再行一萬八千餘引准鹽衆商情愿辦納錢糧摺

奏智萬壽摺

奏報兩淮鹽課夏秋之交可以全完摺

奏報湖廣地方屬員有借端抑勒鹽商情事摺

奏御種稻子已分發並報米價雨水摺

奏請令江防同知移駐三江事已與督撫會疏具題摺

奏兩淮鹽商請借帑銀摺

奏報雨水米價摺

奏連使張應詔操守算好才具平常摺

奏報雨水米價摺

奏遵諭察訪詩文人才摺

奏報雨水米價絲價摺

奏蘇州所種御稻比去年好收割在邇摺

請安摺

奏蘇州所種御稻已收割摺

奏明鹽差任滿日期摺

奏御種稻二次插秧已完摺

請示所繳銀兩應即日解送內庫或任滿自行解京摺

奏報織造衙門虧項已經補完聽候部文撥解摺

教案史料(續) 軍機處檔

英署理欽差傅磊斯請伸理福州牧師房屋被焚事照會 附福州烏石山地方英國牧師房屋焚毀情形節略

英署理欽差傅磊斯照復福州焚燬教堂案須格外設法經理照會

英署理欽差傅磊斯知照有人到粵省將福州教堂滋事情形繪寫散佈照會

英署理欽差傅磊斯知照烏石山一案阻碍情形非領事官所行照會 附福建兵備道致英領事官照會

英署理欽差傅磊斯知照烏石山一案須英丞相議准始可完案照會

英署理欽差傅磊斯請飭閩省官憲立即查辦烏石山一案照會

英欽差威妥瑪知照烏石山一案尚難完銷照會

英欽差威妥瑪照復烏石山一案仍須英丞相允許始可完案照會

英欽差威安瑪追述烏石山一案緣由照會

光緒庚子辛丑電報(續) 軍機處檔

昇平署崑弋承應戲(續) 內務府檔

洞仙慶賀

介紹

盛京事蹟圖

附錄

文獻館二十六年二月份工作報告

明憲宗賜朱永鐵券

成化二十三年
原藏內閣大庫

按鐵券所以賜功臣者。大明會典卷六吏部功臣封爵條云：「國初因前代之制，列爵五等，非有社稷軍功者不封。所封公、侯、伯，皆給誥券。」又云：「凡鐵券之形如覆瓦，刻封誥於其上，以黃金填之。」此鐵券作瓦狀，高二九·三公分，廣三一·三公分，外刻成化二十三年六月二十五日制文，內鑄免罪減祿之數，字嵌以金，其制與大明會典所載同。

據制文，見插圖

知此券因朱永平河套狄寇及建州女真之功而賜。按明焦竑

皇朝人物考卷二朱永傳云：「保國公朱永，河南夏邑人，父謙，見伯志。永襲爵，歲祿千二百石。總京營兵。成化二年，平荊襄流賊，進封侯。十五年，平建州夷功，進封，加祿三百石。十八年，禦西虜功，予世襲，賜號奉天翊衛推誠宣力武臣，階特進光祿大夫柱國。二十三年，再加祿五百石。」考明史憲宗本紀及朱永傳，皆不載平建州女真事，以此鐵券印證朱永事蹟，可補明史之缺。

明憲宗賜朱永鐵券

一外面

子永傳奉天羽衛宣力佐理武
 臣特進光祿大夫右柱國保國
 公朱永賦資醇厚稟性端良明
 克沃機嘗臨敵而制勝才堪任
 重屢受命以樹勲遇狄寇而河
 套以清平建虜而邊陲載靖因
 功進爵侯德授官是用加爾太
 傳兼太子太師奉夫翊衛推誠
 宣力佐理武臣特進光祿大夫
 右柱國保國公食祿二千石子
 孫世襲行與爾誓除謀逆不宥
 外
 一犯死罪祿不全不支給
 二犯死罪祿不全不支給
 三犯死罪祿不全不支給

二内面

本身
 一犯死罪祿不全不支給
 二犯死罪祿不全不支給
 三犯死罪祿不全不支給

維成化二十三年，歲次丁未，六月己巳朔，越二十五日癸巳，皇帝制曰：德隆輔導，功著戲平，則朝廷必有旌封之典，以錫之，實本於至公，而非由私昵也。咨爾太子太傅奉天翊衛宣力佐理，武臣特進光祿大夫右柱國保國公朱永，賦資醇厚，稟性端良，明克決機，嘗臨敵而制勝，才堪任重，屢受命以樹勳，遏狄寇而河套以清，平建虜而邊陲載靖，因功進爵，揆德授官，是用加爾太傅兼太子太師奉天翊衛推誠宣力佐理武臣特進光祿大夫右柱國保國公，食祿二千石。子孫世襲，仍與爾誓，除謀逆不宥外，其餘雜犯死罪，本身免二死，子免一死。於戲！爵所以祿報功，固致之難而保之不易，忠誠以奉國，必行之力而守之堅。爾尙懋懋，光我訓辭，欽哉！

Handwritten text in a narrow column, likely bleed-through from the reverse side of the page. The script is cursive and difficult to decipher due to the high contrast and grain of the scan.

A horizontal line of handwritten text, possibly a section header or a separator, located between the two main columns of text.

Handwritten text in a narrow column, similar to the first column, appearing to be bleed-through from the reverse side of the page.

A horizontal line of handwritten text at the bottom of the page, possibly a signature or a date.

禮部爲抄送召募太監則例覆內務府咨 乾隆四十一年十二月二十一日

禮部爲咨送事儀制司案呈准內務府咨前事一案相應抄單咨送內務府可也須至咨者計粘單一紙右咨總管內務府乾隆四十一年十二月二十一日

粘單

准內務府咨稱查太監定額三千三百名今現少太監四百九十餘名不敷當差今既奉諭旨總歸內務府大臣畫一辦理應行文直督順天府作速召募徑送內務府外相應移咨禮部將召募太監一切則例抄送本府以備查辦再現今如有在部投到或由縣申送者俱令其一體咨送本府備選等因前來除將太監則例抄送外再查現經掌儀司駁回未曾挑選喇嘛之太監一名田進祿年十三歲係宛平縣人除另行牌仰宛平縣飭令該太監徑赴內務府外此外並無在部投到及由縣申送之太監應一併咨覆內務府可也

順治二年定凡有私自淨身者本身及下手之人處斬全家發邊遠充軍兩鄰及歇家不舉首者一併治罪又定或民間有四五子以上願以一子報官闈

割者聽有司造冊送部候收補之日選用 又定先年淨身曾經發回若非奉旨取用有地方官文書起送而私自來京圖謀進用者發邊衛充軍

康熙四年題准凡私自鬪割子孫者除從重治罪外其該管大小官員一併分別治罪 十九年題准縣君未入八分公以下至覺羅民公侯伯以下官民人

等除先有內監不議外嗣後如私買投充收用者內監入官收用之人交該部從重治罪 二十二年題准縣君未入八分公一品大臣准用內監三名二品

大臣准用二名不許越數多用其餘官民人等俱照舊例不許私自買用投充違者治罪 二十三年題准凡年老患病內監願歸民籍者聽其不能歸准令

禮部收養每四名合給房屋一間每名月給銀五錢米一斛房屋銀米由戶部工部支給亡故者交五城埋葬 又定嗣後有誣騙及強勒鬪割者仍照例治

罪外其父母情願將伊子鬪割及本身情願鬪割者免治罪 二十四年諭滿洲家僕及內監家僕有逃走私淨身者不宜內用有已經內用者查交禮部

發回原主嗣後著嚴禁止 三十年諭內監賭博酗酒鬥毆恣橫等事發該管


頭目內管領人等並領催等一併治罪 四十年覆准內用內監緊要王等以下入八分公以上多羅貝勒女郡君以上所用內監不得太多親王等各二十五名世子郡王等各二十名長子貝勒等各十五名貝子等各八名入八分公等各六名公主等各十名郡主等各五名縣主等各四名其郡君未入八分公等仍照前許用三名民公侯伯一品大臣減去一名許用二名二品大臣減去一名許用一名嗣後有比定數少者俟內用內監充足之日到部說明方許買用除看守墳墓衙門內監外王貝勒貝子公公主郡主縣主縣君大臣等及不應使內監職分之官員見在所有內監俱交與八旗直隸各直省五城嚴查將內監一併送部照前送內揀選所用之內監若係王貝勒貝子公公主郡主等因前未定數目仍照例由戶部給身價銀五十兩郡君未入八分公民公侯伯大臣等原定有內監數目若有越數及不應內監官員之內監將內監撤回入宮內監之主交與該部嚴加議處每年著該部都統佐領稽查一次如不行查出或內監自行出首或被旁人出首將該管官交與該部議處

雍正元年諭嗣後十七歲以上內監不必收 二年諭新進內監查明不是旗人年十五六歲以下者著掌儀司會計司驗淨首領內監帶來引見若將旗人帶來一經查出將原保人員驗淨首領內監一併治罪 五年諭從前放出爲民之內監并諸王貝勒等門上放出爲民之內監潛住京師者不少此輩多係年老有病平昔怠惰不守本分之人既經放出除効力年久本管本主保留外不許仍留京師居處屢降諭旨甚是明晰今仍有留京生事者可見向來全不查拿虛應故事且在京必有容留之家著交與內務府步軍統領五城御史似此放出爲民之內監除有保留外在京潛住者著嚴緝發回原籍嗣後放出爲民之內監仍然違旨者一經發覺將容留之人從重治罪內務府總管步軍統領巡視五城之御史一併交部議處如保留爲民之內監有生事犯法者將保留之人亦著議處 十三年准內務府咨稱奉上諭新進內監或經引見後將應留者留用應撥回者撥回外面何得因伊年歲已大遂行撥回嗣後新進內監勿論年歲大小俱著移送

乾隆五年本部具奏新進內監自行赴部具呈者或用伊等同鄉在京貿易之人或見在內監一人出具保認卽移送內務府選用相沿旣久均希圖便捷不出地方官具文申送或改易名姓或假冒籍貫種種難於稽察嗣後新進內監在二十歲以內者應照近例許投部移送其二十歲以外者俱投報本籍州縣身但不必經歷上司衙門致有往來守候之累止令該州縣官將居址里隣出官行止及有無違礙之處查核明確出具文結申部由部據文移送仍將文結備查至舊內監中留京者原有保留之本管本主卽令具保其回籍者仍令地方官具文由部查照移送奉旨新進內監在二十歲以內者著改爲十五歲以內 八年定新進內監由部咨送內務府內務府驗收後卽將收到名數咨部註冊備案 十三年議准看守壇廟應用之內監有缺向例由太常寺咨呈本部將各王公府第放出之陳內監招募轉送充補惟是此輩旣不由地方官保送又不由各王公府第移送惟憑兒在壇廟當差之內監具結認保其中雖有盜逃等情部中無憑稽核嗣後缺人需補太常寺咨呈到部由部咨呈宗人府

於近支王等府第輪流挨次慎選老誠敬謹堪以供役之內監撥送到部由部轉送充補 十六年奉旨見今添設之處居多打掃看守內監不敷嗣後將內監著定爲三千三百額數交與內務府大臣將見在所缺額數查明招募 三十一年內務府咨嗣後各王公大臣家遇有招募內監令其呈報本府轉交總管內監等認識如非宮內逃出內監卽交該王公大臣家聽其招募驅使其有緣事逃走者亦將逃走並招募日期年貌籍貫姓名並緣何事逃走之處一面咨報禮部並步軍統領衙門並本府存案 三十二年內務府奏莊親王家有官職內監六名內七品二名八品四名怡親王家有官職內監六名內七品二名八品四名誠親王家有官職內監四名內七品二名八品二名寧良郡王家原有官職內監四名內病官職內監四名內七品二名八品二名奉諭和親王誠親王家有官職內監缺故二名遵旨裁汰見有八品內監二名奉諭和親王誠親王家有官職內監缺出照舊補放其餘各王家有官職內監缺出俱行裁減 三十三年內務府奏准嗣後王公大臣家爲民內監俱報禮部給發爲民執照 三十七年四月內

總管太監傳奉諭旨交總管內務府大臣嗣後新太監年逾九歲者准收未及九歲者不准收欽此



覆勘文淵文源二閣所貯四庫全書檔 乾隆五十二年五月

此檔原藏內務府，內收廷寄一，奏摺二，附單二，皆有關覆勘文淵文源二閣所貯四庫全書案。其中廷寄，已載在北平圖書館出版之辦理四庫全書檔案中，以與他件相關連，一併刊錄。

乾隆五十二年五月二十日由熱河寄來廷寄大學士和字寄六阿哥大學士公阿乾隆五十二年五月十九日奉上諭熱河文津閣所貯四庫全書朕偶加繙閱其中訛謬甚多已派隨從熱河之阿哥及軍機大臣並部院隨出之阮葵生阿肅胡高望嵩貴吉夢熊再行詳加校閱改正因思文淵文源二閣所貯四庫全書其訛舛處所亦皆不一而足除年老大學士嵇璜不派外着派科甲出身之尙書侍郎京堂以及翰詹科道部屬等官分司校閱其尙書侍郎管理事務繁多者每人每日着各看書一匣六阿哥八阿哥及事簡之堂官各看書二匣京堂翰詹科道部屬等官每人每日俱各看書二匣再六部司員中並着該堂官每司各派出一人每人每日各看書二匣總計大小各官不下二百餘人

每人每日二匣計算不過兩月兩閣書籍即可校閱完竣其文淵閣書籍着在文華殿內閣等處閱看文源閣書籍着在圓明園朝房閱看內中天文推算等書交欽天監堂司各官專看樂律等書交樂部專看醫藥等書交太醫院官員專看文淵閣書六阿哥阿桂專司收發其挖改換頁等事卽交彭元瑞金簡管理文源閣書着伊齡阿巴寧阿專司收發其挖改換頁等事着八阿哥劉墉專管八阿哥現住圓明園劉墉係總師傅自必隨同阿哥等在彼居住卽着八阿哥劉墉常川往彼以資料理並揀派武英殿匠役前往圓明園承辦仍着六阿哥阿桂總司其事除校出一二錯字卽隨時挖改毋庸零星進呈如有語句違碍錯亂簡編及悞寫廟諱並繕寫荒謬錯亂過多應行換五頁以上者再隨報進呈仍查明原辦總纂總校提調校對各員分別治罪並將業經議叙已登仕板之該謄錄亦予斥革俾甄叙不得濫邀而藏書益臻完善並着六阿哥阿桂一面卽行酌派分閱天氣炎熱閱書諸人家中早飯於辰正進申初出仍給與清茶暑湯京中金簡園中伊齡阿專司其事一面將如何分派校勘酌定章程

之處隨報具奏欽此遵旨寄信前來

二

臣永等謹奏爲遵旨酌定校勘章程恭摺覆奏事本月二十日接奉上諭欽此竊照文淵文源兩閣所貯四庫全書訛舛甚多自應詳加校正今擬派部院各官共二百五十餘員兩閣各分一百二十餘員專司校閱校出書籍內如有諭旨指出各條非尋常錯誤者卽行隨報進呈將原辦各員並謄錄等嚴行參奏分別辦理其一切校勘事宜除每日課程及在京在園管理收發挖改等事欽遵聖訓分投妥辦臣等復會同臣永等悉心商酌此次校閱全書卷帙浩繁應查應改名簽必須彙齊覆核卽有簽出不甚確當者亦可隨時更正以免錯誤應請旨令彭紀總司其事毋庸兼看書籍凡各官校勘之簽均由彭等覆看一過送交永劉金另派妥員登記冊檔挖改後再行照檔銷簽並於書前副頁下粘簽註明詳校官恭閱銜名如敢草率從事仍前舛謬卽惟詳校之員是問責成旣專警校益可精審至此項書籍均係裝潢成帙之書簽出數字錯誤祇須

就書挖改遇有更換篇頁者再行拆釘重裝並飭令匠役等小心辦理不得稍有污損以昭慎重再從前司校之員此時若概令迴避人數不敷分派應請將原校之書另派他員詳校以防迴護臣等現在趕緊辦理數日內即可開局校勘務令尅期速竣除揀選熟諳辦書人員及供事等分管收發催查事務並酌定應辦一切事宜分別續行具奏外謹將現在會議緣由先行恭摺覆奏伏祈皇上睿鑒謹奏

經部二十架每架四十八函 計九百六十函 大殿東稍間

除樂書二十九函計一百六十二册 應歸樂部看

除繙繹四書十五函

除清文鑑二鍾
西域同文志十五函 計八十三册 應歸繙繹處看

架上實貯書九百零一函計五千零八册

史部三十三架每架四十八函計一千五百八十四函 二層仙樓

除國史館留空書三函

除方略館留空書六十九函

除三通館留空書一百零五函

除武英殿留空書七函

除現扣銷燬書十三函

架上實貯書一千三百八十七函計八千一百五十四冊

子部二十二架每架七十二函計一千五百八十四函 大樓

除醫藥方書二百四十七函計一千三百十六冊 應歸太醫院看

除天文算法書七十九函計三百三十八冊 應歸欽天監看

除琴譜一函三冊 應歸樂部看

除現扣銷燬書五函

架上實貯書一千二百五十二函計七千三百三十三冊

集部二十八架每架七十二函計二千零十六函 大樓

除留空書二十函

架上實貯書一千九百九十六函計一萬二千零六十二冊

四部共一百零三架計六千一百四十四函計三萬六千冊

內除繙繹樂書天文琴譜醫書及留空銷燬等書六百零八函外實五千五百三十六函計三萬二千六百二十九冊

前殿地平東西

科道看書設紅漆桌二十八張

照壁後

京堂看書設紅漆桌十五張

西稍間

挖補處設紅漆桌三十二張

後殿地平東西

翰詹看書設紅漆桌十張條桌十八張

照壁後

翰林看書設 八仙桌四張

西稍間

收發處設 紅漆桌十九張

共用桌一百二十六張

三

臣永臣阿譚奏竊臣等奉旨校勘文淵文源兩閣書籍業將酌定章程恭摺具奏在案現據各該衙門將派出看書人員開送前來臣等遵旨將在城在園各員酌爲分派除臣永臣阿各閱看書籍並天文樂律醫書專派各該衙門人員閱看外其餘每處各一百二十四員業經金伊等將應用桌橙紙張及挖補匠役人等妥爲預備卽于本月二十七日開局校勘臣現將辦理章程及每日看出錯誤挖改添補等事通行傳知辦書各員一體遵照並分設循環簿將簽出各條登記如有字句違碍書寫廟諱及篇頁錯誤過多未經簽明將來別經看出者將詳校官分別議處其業經簽出而總核之員辦理不當者將彭元瑞紀

均二員議處以專責成至在城在園兩處書籍浩繁一切挖補換頁等事必須分員經理方可無誤查從前續辦三分四庫書提調共八員應請將原派之編修羅修源胡榮降調侍講恭泰筆帖式阿林四員派令承辦文淵閣書籍學士玉保編修吳敬輿檢討徐鑑員外郎蘇保四員派令承辦文源閣書籍其一切匠役人等俱係武英殿派撥亦須專員管束總司查催收發等事查有現充該處提調及曾任提調共四員應請將編修朱攸降調編修吳裕德二員分派在城編修關槐檢討彭元琬二員分派在園以資督率再查提調內恭泰吳裕德二員雖經降調俱係候補人員辦書尙屬熟手是以一併酌派合併陳明伏乞皇上睿鑒謹奏

每日帶領蘇拉下架分送書籍並挖補入函後搬送上架

郎中佶山 長闈 員外郎依清阿 錫林 內管領鄂起 恒貴

收發書籍閱簽及應送彭大人核簽發補送原校官銷簽完竣發交入函上架

翰林四員吳裕德 恭泰 羅修源 胡榮 御史劉坤

挖補訛字登記改補檔冊

武英殿提調朱攸 六庫郎中福克精額 蘇楞額 員外郎依清阿

主事文瑞 李如枚

提調六員

御史劉坤 編修羅修源 胡榮 朱攸 降調侍講恭泰 降調編修吳裕德

看書各員名單

吏部堂官一員謝墉 禮部堂官一員德保 刑部堂官一員李封 工部堂官一員劉耀雲 都察院堂官一員李綬 給事中六員

戴璐 丁雲錦 李台 鄧文泮 查善長 王鍾健
御史二十二員

劉芬 劉人睿 王爾烈 左周 邱庭澍 孫家賢 盛嘉佑 沈孫璉

曹錫寶 范裘 莫膽菴 祝德麟 邱文愷 徐如澍 施朝幹 曹坦

李陽械 查榮 陳化龍 周元良 劉涓 龔驂文

通政司堂官一員夢吉 太常寺堂官一員陳桂森 大理寺堂官一員富

炎泰 太僕寺堂官一員李廷欽 鴻臚寺堂官一員梁景陽 國子監堂

官二員覺羅吉善 韋謙恒 宗人府府丞一員寶光鼐

翰詹五十員

侍讀學士陸伯焜 侍講學士法式善 平恕 侍講陳崇本 王燕緒

陳萬青

編修李璜 馬啟泰 李堯棟 裴謙 曹城 黃壽齡 錢樾 邱庭澐

周瓊 曹錫齡

檢討羅國俊 編修翟槐 檢討德生 編修范來宗 修撰錢棨

編修俞廷掄 檢討劉錫五 編修吳廷選 曹振鏞 溫汝适 謝振定

編修潘庭筠 檢討朱依旻 劉忻

庶吉士朱理 李如筠 馬履泰 何道冲 范逢恩 龍廷槐 謝恭銘

李傳熊 胡鈺 汪彥博 初喬齡 吳垣 陳若霖 張溥 翁樹培

瑚圖禮

詹事府中允塘五株 薩敏 贊善朱紱

起居注主事顧宗泰 閣學二員瑞保 尹壯圖

侍讀學士一員沈咸熙

典籍中書三十員

潘奕雋 程炎 張虎拜 孫球 康綸鈞 張姚成 秦瀛 金應琦

涂日煥 羅錦森 李采 潘有爲 閔思毅 竇汝翼 丁榮祚

徐志晉 呂光復 葉元符 李彤 瞿照 張經田 王鵬 孫溶 洪

文翰 沈鳳輝 孫衡 吳瓌 賈燾 沈颺 陸湘

在園校勘文源閣書籍翰詹官員五十員

侍讀學士葉觀國 王懿修 侍讀白麟 編修陳嗣龍 檢討溫常綬

編修秦泉 黃瀛元 檢討蕭九成 編修邵普涵 嚴福 李光雲 戴
心亨 程昌期 祝塋 初彭齡 甘立猷 戴聯奎 王受 秦承業
蔡善述

檢討萬承風 編修邵玉清 陳昌齊 吳紹深 吳方培 崔景儀 周
兆基 陳萬全 程嘉謨 李驥元 蔣攸銛

檢討張翹 倪思淳 蔡共武 鄧再馨 修撰史致光 編修孫星衍
董教增 庶吉士王觀 秦恩復 任銜蕙 何泌 王祖武 陳士雅
顧鈺 潘紹經 尹英圖

詹事府庶子茅元銘 洗馬薩提 贊善鄭際唐

和碩恭親王奕訢等奏籌辦光緒大婚典禮摺 同治八年三月初八日

和碩恭親王臣奕等謹奏爲奏聞請旨事同治八年二月初五日軍機大臣奉
慈安皇太后慈禧皇太后懿旨皇帝大婚禮儀典則崇隆允宜先期預備一切
應辦事宜著派恭親王寶鋆會同總管內務府大臣禮工二部堂官詳稽典章
敬謹辦理欽此欽遵臣奕臣寶鋆當卽會同總管內務府大臣瑞常等揀派內
務府司員敬謹詳查順治八年十一年康熙四年大婚禮儀成案均因年久並
無檔册可稽臣等當經行查禮工二部將歷屆恭辦大婚禮成案檢齊咨送
以憑辦理旋據禮部覆稱詳查各項册檔內並無從前恭辦大婚案卷僅將該
部則例鈔錄移送並據工部文稱該部亦無辦過此項册檔惟查會典內載所
有金册節案儀駕鳳輿龍亭綵亭等項係由該部辦理並據承辦司員等稟稱
查得會典內載皇帝大婚一切應行典禮核與禮部則例均屬相符又據內務
府掌儀司查出康熙四年聖祖仁皇帝大婚辦過事宜奏案及行文來文等項
開單呈報各等因前來臣等伏思皇帝大婚所有納采大徵一切禮儀以及册

迎禮應備冊寶儀駕等項欸目繁多暨內務府各司處亦有應備各項差務均須預爲籌辦以昭慎重謹將由會典內查出皇帝大婚事例並順治八年十一年世祖章皇帝大婚及康熙四年聖祖仁皇帝大婚禮成案以及內務府掌儀司查出康熙四年辦過大婚案卷並會典所載納采大徵禮應用禮物冊迎禮應備冊寶儀駕等項一併分繕清單恭呈御覽所有納采大徵禮應用禮物數目是否遵照會典內載禮物數目或照順治八年十一年之例抑或援照康熙四年成案辦理之處臣等未敢擅便伏候聖裁臣等仍飭該司員等復行敬謹詳查俟有應辦事宜隨時再行奏聞爲此謹奏請旨等因於同治八年三月初八日和碩恭親王戶部尙書寶鋆面奉慈安皇太后慈禧皇太后懿旨皇帝大婚應行一切事宜著照康熙四年成案辦理原摺單留覽欽此

康熙四年大婚禮成案

內務府掌儀司查得康熙四年聖祖仁皇帝大婚遞奏事件內務府掌儀司咨行內庫准禮部咨稱遵旨議出請定大婚禮以昭典儀事由禮科鈔出禮部右

侍郎黃繼奏稱臣伏思帝德如天后德配地皇帝御極以來宮中獨處故內外臣民日望立后現未擇定吉期中宮之位猶虛地道未協或由此也請勅各部院衙門大臣等查照太祖太宗時舊例早爲擇定吉期以和陰陽而安天地實爲檢修之要政謹奏請旨於康熙四年三月十一日具奏四月十四日奉旨此摺著禮部大臣在太皇太后前具奏奉太皇太后懿旨即著另擇吉期具奏欽此遵即敬擇吉期具奏奉太皇太后懿旨著於九月初八日舉行禮部知道欽此

內務府掌儀司咨行內庫准禮部咨稱爲欽奉上諭事據儀制司案呈禮科鈔本部前經具奏康熙四年四月初七日欽奉諭旨勅諭禮部朕謹遵聖祖母太皇太后懿旨內大臣噶布拉之女冊立爲皇后著爾部將應辦事例開列具奏特諭欽遵具奏奉旨此例知道了著爾部議定具奏欽此欽遵於四月二十二日到部臣等查得酌定順治八年冊立皇后之例初定禮將備送禮物於初定之日設黃案校尉等昇請派禮部堂官總管內務府大臣二員送往承主穿朝

服出大門迎接將禮物陳設於堂承主跪接向上行三跪九叩禮禮畢將是日初定禮宴桌送往承主家筵宴於九月初八日行冊封皇后禮預日告祭天地太廟照例各遣大臣一員告祭是日將大徵禮備送禮物仍照初定禮遣禮部堂官總管內務府大臣二員送往承主穿朝服出大門迎接將禮物陳設於堂承主跪接向上行三跪九叩禮初八日早皇后一切儀仗於皇后之父家陳列將黃案一張於承主大堂正中陳設又設黃案一張於大堂之左再陳黃案一張設於太和殿內設綵亭二座於太和門外內閣禮部堂官再持冊寶安設於太和殿內案上皇帝穿朝服升殿閱視冊寶畢內閣禮部堂官跪接由中路出太和門安放綵亭內校尉昇請設御仗二對至皇后之父家承王穿朝服出大門迎接於右旁向上跼立隨後跟入皇后穿禮服於院內迎立冊寶陳於左邊桌上贊禮官於東邊向下站立宣讀皇后跪聽宣讀畢女官接受遷授皇后向后跪逐一接受畢轉受女官女官跪接安放於正中黃案上安放畢皇后輿向上行禮畢皇后陞鳳輿設儀仗作樂冊寶陳設於前隨同皇后進大清門走中

路儀仗設立於午門外奉冊寶隨同皇后至太和殿東階下降鳳輿由中路進宮皇上鹵簿全設王以下文武各官朝服咸集皇上穿朝服率和碩親王多羅郡王詣太皇太后皇太后前行禮還宮筵宴備治完畢等語皇上御太和殿仍作樂鳴鞭筵宴禮畢次日皇后率親郡王福晉詣太皇太后皇太后前行禮越三日王貝勒文武各員進慶賀表文行禮於是日頒詔天下再冊立皇后筵宴之日於太皇太后皇太后前筵宴應集公主福晉命婦之處筵宴屆期請另議具奏臣等未敢擅便謹奏請旨於康熙四年四月二十六日具奏於五月十三日奉旨奉太皇太后懿旨朕與皇后詣太皇太后皇太后前行禮王福晉等勿庸行禮其桌張仍舊備送餘依議欽此

禮部爲咨行事本年八月初三日本部具奏爲選擇皇后陞輿進宮吉時及應避三相交欽天監敬謹選擇等因具奏奉太皇太后懿旨將合悉交祝年命相宜之員一併選擇奏聞欽此遵即交欽天監選擇得九月初八日辛卯宜用卯時陞輿面向西南方吉忌寅午戌三相生人宜避皇后進中宮降輿宜面向西

南方吉上頭合巹交祝宜用金水二命之人揀派得年命相宜之頭等侍衛倭
勒多牛年二十九歲係水命伊妻龍年二十六歲係金命二等侍衛倭黑牛年
二十九歲係水命伊妻龍年二十六歲係金命於康熙四年八月初九日具奏
本日奉旨著奏聞后皇太后初十日太監劉忠趙壽保傳出奉太皇太后懿旨
卽遵照行欽此

內務府掌儀司爲咨行當月內管領准禮部咨稱本部具奏九月初八日皇后
正位中宮寅午戌三相人應行迴避等語皇后進宮之先稽查此三相人令其
迴避之處應交何人爲此請旨具奏奉旨著交總管內務府大臣欽此及孕婦
孀婦續娶之婦應行迴避之人俱不准進皇后之前如有著在別房安置爲此
行知等語皇后之前執事女子敬謹查選如稽查怠忽有一二誤入所關匪淺
禮部爲咨行事本部具奏順治八年大婚禮筵宴應行預備牛二十一頭羊一
百三十隻桌二百張奶子酒二十一瓶燒黃酒八十瓶內著內務府預備牛十
頭羊三十八隻桌一百張奶子酒十瓶燒黃酒四十瓶著禮部預備牛十一頭

羊一百隻桌一百張奶子酒十一瓶燒黃酒四十瓶此內牛一頭羊八隻奶子酒二瓶燒黃酒七瓶預備合番交祝等因於康熙四年五月二十五日具奏請旨本日奉旨依議欽此

禮部爲咨行事本部具奏初定皇后禮筵宴應用桌張牲隻燒黃酒等項數目並無案可稽查公主下嫁初定禮用牲隻七九宴桌七十張酒七十瓶在案今七月初七月初定禮筵宴應預備桌張牲隻燒黃酒等項數目於康熙四年五月二十五日具奏請旨奉旨桌張牲隻燒黃酒數目著減一半預備筵宴欽此禮部爲咨行事本部具奏皇后陞輿作樂太監由總管內務府預備其太監等所穿駕衣由工部製造交內務府預備謹奏請旨奉旨依議欽此

禮部爲咨行事本部具奏初八日筵宴太皇太后皇太后前恭進御用桌張牲隻多少之處繕寫綠頭牌具奏請旨奉旨進桌二十張羊十隻奶酒燒黃酒二十瓶欽此

禮部爲咨行事本部具奏初八日筵宴日太妃前進御用桌多少張之處繕寫

綠頭牌具奏請旨奉旨進桌三張羊二隻奶酒燒黃酒三瓶欽此

禮部爲咨行事本部具奏康熙四年八月二十七日奉太皇太后懿旨宮之中間合卷與神幔甚近本朝從來所忌者於宮之兩旁間隔不亦可乎者著傳知禮部堂官欽此遵旨交欽天監敬謹相度前奏中宮七間北坐向南本年均吉既隔首間次間於五間之中間合卷古今奉太皇太后懿旨中間合卷因與神幔甚近首間次間雖然間隔尙是中宮之正間內北炕吉兩旁間既非正間均不可用爲此謹奏請旨等因於康熙四年八月二十八日具奏奉太皇太后懿旨吉欽此

內務府掌儀司爲移付事准禮部咨稱本部具奏爲選擇大婚禮初定吉期據欽天監選擇得六月二十四日己卯宜用卯時七月初七日辛卯宜用卯時八月十五日戊辰宜用辰時吉此三日臣等未敢擅便謹奏請旨等因於康熙四年五月十七日具奏本月二十日奉旨著於七月初七日舉行欽此

內務府掌儀司爲移付事本府具奏爲皇后一年四季敬神查照舊例順治九

年皇后一年四季敬神每季用緞八疋金八兩銀八十兩毛青布細藍布三十疋馬一匹牛一頭自十年以後皇后敬神春秋二季用緞八疋金八兩銀八十兩毛青布細藍布三十疋馬一匹牛一頭夏冬二季用緞四疋金四兩銀四十兩毛青布細藍布十五疋馬一匹牛一頭在案今皇后四季敬神按照九年抑或按照十年之處俟命下之日欽遵辦理等因具奉奉旨著照十年例欽此

內務府掌儀司查得康熙四年聖祖仁皇帝大婚行文來文內務府掌儀司爲咨行當月內管領事九月初八日大婚之日執仗請轎著用本部太監至不敷一百三十名用爾一半其執仗之閑散太監一百三十名著卽送到本部

內務府掌儀司爲咨行太監李鳳春王永准禮部咨稱九月初八日册封皇后同册寶至太和殿階下應交何人捧進爲此奏請奉旨值班太監捧交宮內收存册寶之太監安放欽此於是日將寶接受爲此行知再寅午戌三相人應行迴避

內務府掌儀司爲咨行各部事准禮部咨稱本月初八日午刻大婚筵宴王貝

勒等文武各官穿朝服已刻齊集等語

禮部爲咨行事冊封皇后恭請冊寶至太和殿階下內值班侍衛由綵亭請出至中相殿內安放派出侍衛之妻十名恭請至宮內安放等因具奏奉旨毋庸派侍衛之妻著太監預備等因欽此

內務府掌儀司爲移付事准禮部咨稱大婚禮筵宴應行預備牛十頭羊三十頭八隻內揀全耳牛一頭羊八隻奶子酒二瓶燒黃酒七瓶預備合巹交祝行知該衙門預備事

內務府掌儀司爲傳知司俎官業忠黑宜善皇后每月祀神十日自十二月十六日起祀神事

滿本堂事宜冊

清故事：新任大學士到閣，內閣各房例繕「事宜單」，開列員缺，差額及職掌，呈堂備覽。此冊多塗乙竄改，蓋為事宜單之底本。案內閣未有則例，其建置職掌之要，僅於會典中見之，得此冊可與會典互相發明，亦徵文考獻之一助也。

原冊不著編定年月，考其內容，有「御製各體清篆，滿本堂中書，學習篆寫」一則，已塗滅。又「盛京改鑄玉寶，揀派精通清篆中書二員，奏明前往恭篆」一則，「改」字塗改作「崇」。「精通清篆」四字塗滅。案製定清篆，改鑄玉寶，均乾隆年間之事；此冊原文列為職掌，而分別塗改，則視為歷史陳跡，其相去年代必已久遠。又文中「貯」字缺寫末筆，係避文宗之諱，當在咸豐以後。

又案光緒季年，裁通政使司，題本分別改為奏咨，惟三大節賀本未廢，逕遞內閣，無復通本之稱。此冊有「各省通本」一語，「通」字塗改作「賀」，因知原冊或係咸同以來之物，間有沿鈔舊文者，而其最後改定。則在光緒季年。茲刊其全文，原已塗滅之字，仍為錄出，加【】號以別之。

滿本堂缺額

侍讀學士二缺 侍讀四缺 兼行侍讀無定員

實缺中書三十九缺 在滿票簽行走十一員 在典籍廳行走十二員 在本堂行走二十一員 分隸各處當差

貼寫中書二十四缺 在滿票簽行走五員 在典籍廳行走五員 在本堂行走十四員

學習中書十六缺 在滿票簽行走四員 在典籍廳行走一員 在本堂行走十一員

差額

委署侍讀四員 總辦中書四員 樞務中書六員

對本中書六員 正寫事中書六員 幫寫事中書六員

額外寫事無定員 以上均由本堂資深中書派充

侍讀學士侍讀中書等官職掌事宜

一 皇上親詣行禮祭祀

天壇 祈穀壇 常雩禮 園兵大祀 地壇 方澤大祀 〔每次三塊〕 太廟 四孟

歲暮拾祭 〔每次四塊〕 社稷壇 〔每次三塊〕 朝日壇 〔每次三塊〕 夕月壇

【每次三塊】先農壇【每次三塊】文昌廟【每次三塊】關帝廟【每次三塊】各祝版揀派清字端楷中書分別紙色硃書墨書恭繕侍讀委署侍讀總辦中書恭校稟請中堂在滿本堂填書御名

一遣官行禮祭祀各壇廟先師孔子廟崇聖祠歷代帝王廟先醫廟太廟後殿顯佑宮東嶽廟都城隍廟火神廟新舊太歲大祀祝版揀派清字端楷中書恭繕侍讀委署侍讀總辦中書恭校內閣學士在滿本堂恭書御名

一遣官行禮祭祀各祠廟中祀祝版中書恭繕侍讀委署侍讀總辦中書恭校

一每逢祈雨祈雪謝降急祝版中書恭繕侍讀委署侍讀總辦中書恭校

一金冊玉冊香冊絹冊紙冊清文揀派中書恭繕侍讀委署侍讀總辦中書恭校呈中校恭閱

一金寶玉寶香寶絹寶金印絹印及親王之寶郡王之印各體清篆揀派精於清篆中書恭篆侍讀委署侍讀總辦中書恭校呈中堂恭閱

一各壇廟陵寢供奉列聖列后神牌揀派清字端楷中書恭繕侍讀委署侍讀

總辦中書監繕

一神牌掃青中書衣朝服以漆筆恭繕工部掃青侍讀委署侍讀總辦中書監繕照料

一恭遇太廟奉先殿及各陵寢神牌「貫神向由禮部奏請」欽派滿漢中堂各一員貫神行禮派侍讀中書隨同敬謹將事

一各陵興工收工移請神牌告祭后土司工之神祝版派中書前往恭繕總辦中書監繕

一鐫刻各陵碑文扁額揀派清字端楷中書恭繕並派侍讀總辦中書前往該陵監視鐫刻

一恭遇聖節令節皇上慶賀皇太后正副表臣工慶賀皇太后皇上表文「恭遇聖節元旦令節長至表文」敕諭詔書中書恭繕侍讀委署侍讀總辦中書恭校

一恭遇慶賀大典表文敕諭詔書夾單中書讀恭繕侍讀委署侍讀總辦中書

恭校呈中堂恭閱

一恭遇慶賀大典喜起舞樂章冊中書恭繕侍讀委署侍讀總辦中書恭校呈

中堂恭閱

一特交繕寫扁額及一切清文事件揀派清字端楷中書恭繕侍讀委署侍讀總辦中書恭校呈中堂閱畢恭繳軍機處進呈

一凡遇賜王大臣謚號夾單及碑文等件揀派中書繕寫侍讀委署侍讀總辦中書校閱

一加封山川神祇封號及祠名扁額中書繕寫總辦中書校閱

一文武殿試大金榜中書恭繕

一各省「通」賀本由漢本堂繕清滿本中書繕寫對本中書校對粘連正本交

漢本堂轉交滿票簽進呈

一本衙門每月彙奏清字上諭及清文摺奏事件中書繕寫總辦中書恭校

一頒賜外藩廟名中書繕寫總辦中書校閱

一皇史宬尊藏實錄並本衙門大庫尊藏實錄滿本堂侍讀中書等每於春秋
二季抖晾寶譜及將軍印譜滿本堂收存預備調查

一本衙門大庫尊藏實錄輪班派中書二員按卷逐日進呈

一照例不進實錄日期侍讀學士中書輪班於前期呈遞奏片

一御門日侍讀學士輪班恭請本匣

一皇上升殿之日侍讀中書陳設啟疏

一隨圍御寶內閣學士恭領交侍讀中書恭請恭護

一每年封印前期一日稟請中堂進署恭收起居注記注封固尊藏大庫

一每於年終會同宗人府吏部在保利殿填寫宗室滿蒙漢軍以及各省漢世
職外藩世職皇冊每屆十年奏明請至滿本堂修輯告成後中堂率滿本堂侍
讀中書等恭送交泰殿尊藏

一每於年終六科送到史書收存大庫

一八旗世職家譜每屆十年由各該旗造送一分俟修輯皇冊後存貯大庫備

查

〔一御製各體清篆滿本堂中書學習篆寫〕

一盛京〔改〕崇鐫玉寶揀派〔精通清篆〕中書二員奏明前往恭篆

一年終奏銷本衙門紙張摺件中書繕寫總辦中書校閱

一本堂侍讀中書逐日到堂詳校寫妥各項事件稽查一切應辦應行事宜

〔委署侍讀四員隨同侍讀辦理一切事件

總辦中書四員辦理一切文移記載各項已辦未辦事件檔簿校對繕妥事件

檔務中書六員記載日記簿校對繕妥事件仍兼寫事

對本中書六員校對所交本章清漢文合璧粘連送交漢本堂辦理收發本章

按單發寫仍兼寫事

正寫事中書六員預備繕寫事件幫對本章兼寫急本

幫寫事中書六員預備繕寫事件兼寫本章

寫本中書無定員按單分繕本章以上除侍讀常川進署其委署侍讀總辦檔

務對本正寫事寫幫事中書等均輪流各一員到堂值班

一奏稿行稿及文移各件均係侍讀自行擬稿緊要文移摺奏中書繕寫尋常事件供事繕寫

一滿本堂侍讀中書逐日到堂詳校寫妥各項事件稽查一切應辦應行事宜委署侍讀四員隨同侍讀辦理一切事宜

總辦中書四員辦理一切文移記載各項已辦未辦事件檔簿校對繕妥事件檔務中書六員記載日記簿校對繕妥事件仍兼寫事

對本書中六員校對所交本章清漢文合璧粘連送交漢本堂辦理收發本章按單發寫仍兼寫事

正寫事中書六員預備繕寫事件幫對本章兼寫急本

幫寫事中書六員預備繕寫事件兼寫本章


寫本中書無定員按單分繕本章以上除侍讀常川進署其委署侍讀總辦檔務對本正寫事幫寫事中書等（下缺）

皇史宬缺額

守尉三缺 守吏十六缺

尊藏滿蒙漢實錄聖訓本紀侍讀中書等官分櫃經理按季抖晾
守尉守吏晝夜看守來往巡邏

東廡檔用室 西廡尊藏奏辦書籍



奏報米價摺 康熙五十六年正月二十二日

奴才李煦跪奏竊蘇州揚州地方自新歲以來天氣晴明萬民樂業查得各處
菜麥並皆茂盛春熟可期所以民情甚爲喜悅蘇州米價上號一兩一錢光景
次號一兩光景揚州米價彷彿與蘇州相同理合奏聞所有蘇州揚州康熙五
十五年十二月晴雨錄進呈伏乞聖鑒奴才臨奏不勝悚惶依戀之至康熙五
十六年正月二十二日
硃批知道了

奏報勸諭鹽商上緊納課摺 康熙五十六年二月初十日

奴才李煦跪奏竊商人新綱之鹽擇吉於正月十九日下場開捆已經陸續運
行今二月十五日邊卽有新鹽到所可以秤掣奴才現在勸諭催償務使兩淮
衆商上緊納課行鹽以早竣一綱之額也揚州蘇州米價照常雨水調勻所有
正月晴雨錄進呈伏乞聖鑒康熙五十六年二月初十日
硃批後來看罷了未必弄得整齊

請令江防同知移駐三江彈壓倭棍摺康熙五十六年二月初十日

奴才李煦跪奏竊山東河南倭棍提臣招撫後解回原籍恐其去而復來特具摺上聞奉旨會議今現在商量善後之法聽督臣主稿題覆外奴才更有管見請爲萬歲敬陳之查揚州府江都縣境內有三江營地方於各處煎鹽之場甚近凡倭棍運出私鹽必會集於三江營而此地到揚子江邊上一里有餘倭棍卽從此下江運往各路是淮鹽界內三江營最關緊要再三江營對岸乃鎮江府丹徒縣所管之徐山老虎洞也倭棍由三江營下江行三十里卽達老虎洞彼處又是浙鹽地界亦因倭棍從三江營過去每爲浙鹽之害則以浙鹽而論三江營又屬要地且此處逼近海口防範尤不可不嚴無如地廣人稀倭棍毫無顧忌奴才查江防同知有巡江責任但駐劄江寧城內離此甚遠伏思省城大小文武官員甚多不必再住江防同知若移衙門於三江營鎮防彈壓倭棍斷斷不能往來地方鹽法兩有裨益倘蒙俞允准江防同知移駐三江營奴才卽會同督臣撫臣具題伏乞批示遵行康熙五十六年二月初十日

硃批着速具題督臣好名而且不清未必肯會上此本

奏戶部題准再行一萬八千餘引准鹽衆商情愿辦納錢糧摺

康熙五十六年二月

十六日

奴才李煦跪奏竊湖廣衡永寶三府每年補運停引一萬八千餘引至康熙五十三年停引之數業經行完今原任浙江糧道程鑾代弟程鋈具呈戶部求每年再行一萬八千餘引戶部卽據呈題准在案茲兩淮衆商江楚吉等以官引定額之外既帶行癸巳綱之十六萬引有零若又添行一萬八千餘引則鹽多壅積楚省口岸難銷而悞鹽隨以悞課勢所必至在程鑾正不容貪一己之私利而貽害衆商之課鹽也衆商感蒙萬歲數十年來聖澤之培植兩淮無所不至故情愿認一萬八千餘引之錢糧共二萬四百兩零永遠辦納以報大恩而一萬八千餘引之鹽實未便於再行叩求萬歲不准程鑾之所請於以保固鹽法則兩淮萬商頂戴聖人之高厚無窮矣奴才繕疏題請外謹具摺奏聞伏乞慈鑒奴才臨奏可勝悚惕之至康熙五十六年二月十六日

硃批知道了

奏賀萬壽摺 康熙五十六年二月二十四日

奴才李煦跪奏奴才煦竊見我萬歲龍德長新四海羣欽有道鳳曆綿遠萬方久致雍熙既雨順而風調咸曰太平之福主乃安民而阜物齊稱仁壽之聖人今者恭逢萬壽聖誕凡屬臣民無不拜舞奴才以家奴尤爲雀躍敬設香案望闕叩頭伏願我萬歲福如川至長瞻瑞氣於紫微壽與天齊時燦祥光於旭日誠一人之有慶而萬國之騰歡者也理合具摺奏賀伏乞恩鑒奴才臨奏不勝踴躍忭舞之至康熙五十六年二月二十四日

硃批知道了

奏報兩淮鹽課夏秋之交可以全完摺 康熙五十六年二月二十四日

奴才李煦跪奏竊奴才請安摺內奉御批今年錢糧何如欽此欽遵奴才查得今年額征錢糧應一百九十五萬兩零上年十一月十三日到任奴才督兩淮鹽運使臣張應詔開征新課起至目下二月二十三日共收過錢糧五十萬兩

零近日各場引鹽尙非旺煎時候商人到四五六七月場鹽旺產之時俱各爭先上課趕緊運鹽今年夏秋之交錢糧可以全完至於奴才奉旨以餘銀清補虧欠而應補之數共二十八萬兩有零大抵六月內便可補足俟補完之日當繕疏題明謹具摺奏聞伏乞聖鑒康熙五十六年二月二十四日
硃批運使張應詔爲人何如有清名否

奏報湖廣地方屬員有借端抑勒鹽商情事摺

康熙五十六年三月十一日

奴才李煦跪奏竊奴才荷蒙天恩破格再理淮鹺惟有凜奉諭旨一以清補積欠爲事再則仰體聖懷無容擾累商人而舊欠錢糧日下陸續補庫大約七月間可以全完至於不擾累商人非特奴才當體聖心凡係屬員理應共爲欽遵者也查兩淮行鹽口岸大半在於湖廣如楚省地方官不誅求鹽無阻抑則銷引辦課錢糧便易於完納若一有掣肘則鹽多阻滯課即難以征輸是以湖廣一省最關緊要近聞彼地屬員內有借端抑勒妄行生事者亦有預支陋例欲向商人借貸者行將鹺業難安各商多所疑懼奴才有培商裕課重任現在行

文嚴爲禁止併移咨楚省督臣撫臣共爲申飭如終不改悔奴才卽據實題奏
倘蒙我萬歲特頒嚴綸於湖廣督臣撫臣勅禁多事勒索則天威震懾貪員由
此膽落而回心革面遂得消弭無事之先是奴才與商人共戴萬歲天恩而犬
馬之報永矢之生生世世矣伏乞慈鑒奴才臨奏不勝悚息仰望之至康熙五
十六年三月十一日

硃批知道了

奏御種稻子已分發並報米價雨水摺康熙五十六年三月十一日

奴才李煦跪奏竊御種稻子奴才凜遵諭旨凡各處來請者並皆給發浙江陸
任撫臣徐元夢江西撫臣佟國勳各領去五石其江寧撫臣吳存禮領去二十
石卽轉分發下江各府矣上江安徽等各府奴才交與安徽糧道臣王希舜稻
子二十石轉令分發至於蘇州鄉紳耆老百姓與兩淮商人凡有來請稻子者
俱陸續分給并詳告以佈種之法矣今年奴才蘇州種御稻八十畝已於三月
初九穀雨之前插秧訖蘇州米價上號一兩一錢六七分次號一兩七八分揚

州米價與蘇州不相上下而蘇揚雨水亦各調勻所有蘇州揚州二月晴雨錄
進呈伏乞聖鑒康熙五十六年三月十一日

硃批知道了

奏請令江防同知移駐三江事已與督撫會疏具題摺

康熙五十六年三月二十七日

奴才李煦跪奏竊揚州府江都縣內有三江營地方爲販鹽停棍經由要地此
處需員彈壓奴才請將江寧府城內之江防同知移衙門於三江營駐劄坐鎮
防杜具摺請旨奉御批着速具題欽此欽遵奴才會同署兩江總督臣吳存禮
鎮海將軍臣何天培江蘇撫臣吳存禮江南提督臣杜呈泗會疏具題外謹具
摺奏伏乞聖鑒康熙五十六年三月二十七日

硃批知道了

奏兩淮鹽商請借帑銀摺

康熙五十六年四月初十日

奴才李煦跪奏竊兩淮衆商於康熙四十二年蒙我萬歲天恩借給帑銀一百
萬兩 硃批何嘗他們完的可笑據衆商口稱自借皇帑之後靠萬歲洪福生意

年年俱好獲利甚多萬歲發的本錢極其順利我們四十二年借的已完在庫
今求代題再借皇帑一百二十萬兩商等認利十二萬兩分作十年完納我們
再領聖主本錢兩淮生意就好到極處了務求據呈題本等語奴才以錢糧重
大何容冒昧具疏而事關商情又不敢壅於上聞謹將商人呈子恭進御覽伏
乞睿裁批示遵行康熙五十六年四月初十日
硃批借帑一事萬萬行不得再不要說了

奏報雨水米價摺 康熙五十六年四月初十日

奴才李煦跪奏竊蘇州揚州雨水調勻人民樂業蘇州米價上號一兩一錢五
六分次號一兩四五分揚州米價不相上下至於二麥蘇州揚州俱有十分收
成萬民歡悅皆以爲我萬歲洪福之所致也蘇州揚州三月晴雨錄進呈伏乞
聖鑒康熙五十六年四月初十日
硃批知道了

奏運使張應詔操守算好才具平常摺 康熙五十六年四月初十日

奴才李煦跪奏竊奴才摺內奉御批連使張應詔爲人何如有清名否奴才查得張應詔每歲用商人經費銀數千兩盤纏過日就其目前而論操守算好但才具平常自康熙五十四年四月到任以來不曾做得一件正經事爲人心性執滯未見明通謹遵旨奏聞伏乞聖鑒康熙五十六年四月初十日
硃批是

奏報雨水米價摺 康熙五十六年五月初六日

奴才李煦跪奏竊目下南方雨水調勻庄農便於插蒔今現在趕緊佈種各處插秧將次可完蘇州揚州米價彷彿相同大約上號一兩一錢光景次號一兩光景所有蘇州揚州四月晴雨錄謹以進呈伏乞聖鑒康熙五十六年五月初六日

硃批知道了

奏遵諭察訪詩文人才摺 康熙五十六年五月初六日

奴才李煦跪奏竊奴才請安摺內奉硃批南方有筆下通及作詩文者爾訪明

白廻奏欽此欽遵伏思筆下通及作詩文者南方諒亦有人但在外之文理可見而在內之心地莫知奴才是以未敢輕舉今凜遵諭旨現在察訪俟一得其人卽當上聞伏乞聖鑒康熙五十六年五月初六日

硃批是

奏報雨水米價絲價摺 康熙五十六年六月初三日

奴才李煦跪奏竊揚州蘇州雨水調勻米價照常上號一兩一錢光景次號一兩光景蘇揚彷彿相等至於新絲價值線經絲每兩八分一厘單經絲每兩七分緯絲每兩六分七厘再奴才蘇州所種御稻現在俱秀今年雨水調勻禾稻甚好俟收穫之後另摺奏聞今將蘇州揚州五月晴雨錄恭繕進呈伏乞聖鑒康熙五十六年六月初三日

硃批知道了

奏蘇州所種御稻比去年好摺 康熙五十六年六月十二日

奴才李煦跪奏竊揚州以至蘇州因雨暘時若各處民田禾苗茂盛自是豐年

之兆更喜目下米價照常民心安貼奴才蘇州所種御稻比去年甚好收割在
邇俟刈獲之後另當奏聞惟是我萬歲熱河避暑奴才不獲隨駕奔走而翹首
行在正不勝依依戀主之忱也恭爲繕摺敬達蟻悃伏乞慈鑒康熙五十六年
六月十二日
硃批知道了前者已有旨了

請安摺 康熙五十六年六月二十二日

奴才李煦跪奏竊六月十五日奴才奉到發回奏摺蒙硃批朕安前日所進之
物件件都好比往年強遠了欽此奴才蒙我萬歲天高地厚從前曲賜優容私
心又慚又感而跪讀御批伏稔聖躬萬安奴才寸心尤爲欣喜昨閱京抄六月
初一日欽召原任常州府知府章文鏞赴熱河看脉奴才閱此京抄甚爲旁皇
想我萬歲宵旰憂勤勞於幾務當此溽暑之時或聖躬偶爾違和而奴才犬馬
之下忱更覺依依戀主然又不敢擅離職守遽赴行在理合具摺恭請聖安伏
乞慈鑒奴才臨奏不勝悚惕馳戀之至康熙五十六年六月二十二日

硃批朕安凡小報亂傳者一概如此張文璜爲試他醫學並未進藥况熱河地方涼爽水土皆佳溽暑從何而來

奏蘇州所種御稻已收割摺 康熙五十六年六月二十九日

奴才李煦跪奏竊蘇州所種御稻八十畝於六月二十一日收割每畝約得稻子四石一斗比上年多收四斗今蘇州又現在收拾原田趕七月初二日立秋之前佈種第二次秧苗矣至於蘇州鄉紳與兩淮商人領去稻子佈種約有數十家今有已經收割亦有未盡收割故目下未能週知細數容另摺奏聞再各處官員領種御稻其所收之數應聽撫臣自行奏報奴才謹將自種稻子礶米一斗恭進伏乞聖鑒康熙五十六年六月二十九日
硃批知道了

奏明鹽差任滿日期摺 康熙五十六年六月二十九日

奴才李煦跪奏竊兩淮鹽差向於十月十三日到任次年十月十二日滿差此每歲相沿如是也但奴才上年荷蒙天恩巡視鹽課於上年十一月十一日始

得奉到勅印卽於十一月十三日上任受事則計一年之數當在今年十一月十二日滿任而不復如從前之十月十二日滿任矣奴才將此情由咨明戶部據戶部云事關展限當爲具題但奴才求足一年之數而戶部以爲展限則非也今戶部旣令奴才具本因卽恭疏題明理合繕摺奏聞伏乞聖鑒康熙五十六年六月二十九日

硃批知道了

奏御種稻二次插秧已完摺 康熙五十六年七月初十日

奴才李煦跪奏竊蘇州所種御稻於六月二十一日收割之後卽星飛收拾原田趕緊插第二次秧已於六月二十九日種完訖至於蘇州鄉紳於兩淮商人領種御稻各家俱已收完亦於立秋前佈種第二次秧苗矣其所收之數奴才另開細單進呈御覽目下蘇州揚州米價照常雨水調勻所有六月晴雨錄繕寫恭進伏乞聖鑒康熙五十六年七月初十日

硃批知道了

請示所繳銀兩應卽日解送內庫或任滿自行解京摺

康熙五十六年七月十三日

奴才李煦跪奏竊奴才蒙萬歲特旨再視淮鹽一差之內除補完織造衙門虧項外另繳銀六萬六千兩以備萬歲公項之用上年十一月奴才已經具摺奏明矣今六萬六千兩其銀已得或奴才卽日解送內庫或俟奴才滿任之日自行解京伏乞批示遵行康熙五十六年七月十三日

硃批解京又費一凡事不如存庫爾到京將戶部銀補交可也

奏報織造衙門虧項已經補完聽候部文撥解摺

康熙五十六年七月十三日

奴才李煦跪奏竊江寧蘇州織造衙門虧項蒙萬歲天恩着前鹽臣李陳常代補除補過五十四萬二千兩外仍有二十八萬八千兩零未完奉旨令接任御史代補在案上年奴才又蒙特旨巡視鹽課是旣赦從前虧空錢糧之重罪又復賞巡視鹽課之殊榮恩頒望外感激無地奴才謹遵照二十八萬八千兩零之數目下已經全完聽候部文撥解除另疏題明外理合繕摺奏聞而我萬歲天高地厚之弘恩奴才無可報效惟祝聖壽無疆以稍盡犬馬之下忱也再奴

福州烏石山英教堂被焚案

英署理欽差傅磊斯請伸理福州牧師房屋被焚事照會

光緒四年八月二十二日

大英署理欽差駐劄中華便宜行事大臣參贊傅爲照會事照得本年八月初三日閩省城內有羣衆闕至英國牧師之處將房屋焚毀一事當時地方官雖係在場並未彈壓保護此事各節現備節略附呈鈞閱應請貴親王妥爲伸理爲此照會須至照會者右照會大清欽命總理各國事務和碩恭親王一千八百七十八年九月十八日戊寅年八月二十二日計節略一紙

福州烏石山地方英國牧師房屋焚毀情形節略

原件附光緒四年八月二十二日英署理欽差

傅磊斯照會內

福州城內烏石山數月前在彼舊租地牆內興工蓋造房屋周圍租地之牆已有十餘年牆內之地人皆知係牧師地基乃於興工蓋房之際始有閩省紳衿遽以新蓋房屋之地即係侵占並非在地基之內遂經地方官照會星領事官會商查看其事情形驗明基限有無此地隨於八月初三日午前福州府知府

及閩縣侯官兩縣暨海防廳會同英國領事署中繙譯官一併前往該牧師處及至該處瞥見多人在彼聚集於各官查看之間漸次大聲喧嘩擾亂驗畢各官回署嗣於午後星領事耳聞烏石山處甚不平靜隨親自前往比及到時因見多人將花園圍繞踣拔即遣人請侯官縣前來不多時侯官閩縣一同前來又有文武官十數位帶兵二百名陸續來到其兵未帶器械當時星領事催請各官查拏首犯各官以如拏首犯則羣人必更滋擾未允所請而武官以兵丁不足未肯彈壓反云須稟請添派携器兵丁前來語畢隨即辭去此時衆人將門撬開進內將房屋焚毀當日附近廟宇內有許多紳衿觀望地方官屢往會商查數年來欺侮牧師全係此輩彼日之亂仍由各紳衿於午前作勢張狂午後羣凶遂至動手以致房屋強行焚毀其紳衿中有一林姓名應霖者多方煽惑寔爲魁首數月來此人設計令人心懷不甘遂興今日之禍八月二十一日

英署理欽差傅磊斯照復福州焚燬教堂案須格外設法經理照會

光緒四年

八月二十八日

大英署理欽差駐劄中華便宜行事大臣參贊傅爲照復事照得八月二十一日接准貴親王來文內將閩浙總督報稱福州烏石山焚毀教堂各情照會前來并於八月二十二日經本署大臣將星領事官所報備略呈送各在案旋於二十三日在貴署面聆貴親王雅教業已轉行閩省大憲持平辦理云云查此案閩省官憲似欲以爲無足輕重之事務望貴親王以此案攸關甚重所云轉行辦理之處必須格外設法經理俾閩省官憲遵照庶可得持平之效茲福郡旣爲通省各大憲駐劄之區驟然興此兇闕大衆觀斯情景未免更爲同恨此閩省大憲固屬均悉惟當日焚毀教堂之人並非猝然集聚因耳聞目見始行忿怒委係預爲糾合特意拆毀王使者並非愚民實爲著名衣衿因其讀書明理較諸愚氓厥罪更甚按條約第十八款所載英國民人中國官憲必時加保護等語乃據星領事官所報此等強暴之事地方官本應極力匡救在場官員不爲不少旣弗攔阻且有心許之情此則閩省大憲似未著意夫凡遇此等事件地方官必謂負屈者自招其禍今日閩浙總督反專謂教士咎由自取也至

謂擅行侵越公地據胡教士所稱並無其事該教士房屋焚燬原在應護官員之目前豈可以其動而得咎推諉耶本署大臣於二十三日在貴署會將節略兩紙面呈貴親王鈞閱在案一係去歲武昌欺侮本國人民雖由湖北領事官卽請查辦並經本署大臣疊次照會貴親王遂奉有諭旨迨今絲毫未見妥辦以致本有可爲之機反成未能之舉一卽此案閩省焚毀教堂之事允宜賠補伸冤務望迅速特爲照行總之此項兇橫若不認真辦理難免事體從此滋蔓設使各國憚畏在朝或只擔其名或鞭長莫及恐遺誤無所底止也爲此照復貴親王查照須至照會者右照會大清欽命總理各國事務和碩恭親王一千八百七十八年九月二十四日戊寅年八月二十八日

英署理欽差傅磊斯知照有人到粵繪寫散佈福州教堂滋事情形照會

光緒四年九月二十一日

大英署理欽差駐劄中華使宜行事大臣參贊傅爲照會事照得閩省福州教堂拆毀一案昨據本國駐紮廣東署領事官詳報內稱現聞福州教堂滋事某

人一名現到粵省據其所云由閩省大官囑令前來將拆毀教堂各情節繪寫註明散佈各等情詳報前來本署大臣據此查該人所云各節與閩省甚有關要尙無的確之憑在一人之言原難盡信惟據該領事官所聞其人實有此等言詞且觀其行止似係若作此等書本閩省之官必深爲獎悅此項書本易料爲何等欺侮言詞不待披閱方知自應將廣東領事官所報各情備文轉達貴親王查照可也爲此照會須至照會者右照會大清欽命總理各國事務和碩恭親王一千八百七十八年十月十六日戊寅年九月二十一日

英署理欽差傅磊斯知照烏石山案阻碍情形非領事官所行照會 光緒

四年九月二十四日

大英署理欽差駐劄中華便宜行事大臣參贊傅爲照會事前因閩省遇有交涉事件本省官憲不肯徑行與各國領事官商辦轉委通商局代爲辦理此層迭經本署大臣於上年前後照會親王在案刻下烏石山一案昨據駐紮閩省本國領事官星來詳內稱各國事務本有先經閩浙總督派委道員督辦敵

職現於九月十二日接准葉道來文內開烏石山拆毀教堂一案查有貴國士人畢德衛歷年在滬採辦軍裝茲值來閩業經回明院憲諭令辦理烏石山一案奉委之後隨時與貴領事商酌辦理以了此案等因詳報前來據此本署大臣查條約第七款內載大英君主酌看通商各口之要設立領事官與中國官員於相待諸國領事官最優者英國亦一律無異領事官署領事官與道台同品副領事官署副領事及繙譯官與知府同品視公務應需衙署相見會晤文移均用平禮等語現在烏石山滋事重案前經本署大臣轉飭駐劄福州本國領事官立即向閩浙總督催請伸理茲聞浙總督自覺與本國領事官商辦或致失體若然其所屬之官自必幹練可派代行此次烏石山滋事案情至此奚容更重目今此案阻碍情形並非由於領事官所行乃閩省官憲辦法似係希圖後日碍難了結起見也除將葉道照會呈領事官文件抄呈鈞閱外合行備文照會貴親王請煩查照爲此照會須至照會者右照會大清欽命總理各國事務和碩恭親王一千八百七十八年十月十九日戊寅年九月二十四日計

粘抄一紙

福建兵備道葉致英領事官照會

原件附光緒四年九月二十四日英署
理欽差傅磊斯照會內

大清欽命布政使銜督辦通商事務福建分巡甯福海防督糧兵備道葉爲照會事胡教士佔築烏石山雀舌橋地基被百姓拆毀一案已閱月餘因無熟悉中外情形之人從中經理以致彼此之情未能通達案懸莫結查有貴國士人畢德衛歷年在滬採辦軍裝素爲官民信任且於華洋文字風俗均能通曉茲值購買機器管解來閩業經回明院憲諭令辦理烏石山一案該士人奉委之後自當詳核此案地圖契據參考中西律例隨時與貴領事商酌務望和衷辦理以了此案以敦睦誼報明院憲外合就照會爲此照會貴領事請煩查照是荷須至照會者右照會大英欽命管理本國通商事務駐劄福州領事官星大清光緒四年九月十二日照會

英署理欽差傅磊斯知照烏石山案須英丞相議准始可完案照會 光緒

四年十月二十六日

大英署理欽差駐劄中華便宜行事大臣參贊傅爲照會事照得閩省烏石山一案本署大臣於今日午前接准我國總理各國事務丞相薩電報以此案中
國現在如何辦理了結之處貴署大臣務須聽候本丞相議准始可完案等語
本署大臣自當刻卽照會貴親王知照爲此照會須至照會者右照會大清欽
命總理各國事務和碩恭親王一千八百七十八年十一月二十日戊寅年十
月二十六日

英署理欽差傅霽斯請飭閩省官憲立卽查辦烏石山案照會

光緒四年十
二月初五日

大英署理欽差駐劄中華便宜行事大臣參贊傅爲照會事照得閩省烏石山
燒燬房屋一事先由貴衙門轉飭妥協辦理乃昨據駐紮閩省領事官文稱此
案迨至十一月二十七日閩省官憲尙未開手查辦等因查此案應如何辦理
本署大臣與貴衙門早已商定惟地方官所云該教士侵占之地而拆毀之房
應在何處從新賠蓋總以先行量地爲憑此節及擊獲動手與主謀者嚴行懲
辦一節現在毫無頭緒至懲辦兇犯之事本國領事係負冤者之官長自應前

往在旁觀審以便本署大臣轉報本國以昭信寔而防虛僞此案業經延遲日久與貴國有睦之國使其民無故受屈甚重地方官不遵京都文飭以致該民日久含冤莫釋諒非貴國之所願此次閩省官憲所辦分際應由本署大臣照會貴親王查照併請行飭立即辦理爲宜爲此照會須至照會者右照會大清欽命總理各國事務和碩恭親王一千八百七十八年十二月二十八日戊寅年十二月初五日由上海發寄

英欽差威妥瑪知照烏石山案尙難完銷照會

光緒五年閏三月二十日

大英欽差駐劄中華便宜行事大臣威爲照會事照得閩省烏石山燒燬教堂一事前於閏三月初二日由貴衙門以准閩省大憲與本國駐劄閩省星領事官往來文件兼由該省出有示諭並如何辦理各節照會密參贊在案隨於閏三月十八日接准密參贊轉寄查照前來查此案前於去歲十月間傳署大臣接准本國總理各國事務丞相薩電報以此案應先由本丞相應允始可完案等意本大臣誠恐貴親王未克悉知是以本大臣亦不能擅自銷案且先有本

國牧師受屈數案尙未了結則此案似難完銷現在所有閩省紳士與本國牧師爭競地基一案另爲一事與以上受屈各案無關其紳士與牧師爭論之情本係二層其一同治六年本國領事官請有地契由侯官縣蓋印此契係永遠租賃或係限年租賃其二此契不計有無限年據紳士所控牧師未遵照地契中所載言語而行現經本國按察使來閩正在審問究竟誰是誰非應由彼核斷至薩丞相酌奪之事另爲一節茲詳叙於後自同治六年請領地契之地本國牧師去年擬蓋教堂惟該處紳士有心懷不甘論爭各情故由星領事官商請地方官派委各員會同查勘各稟上憲以憑妥辦遂於八月初三日午前派出各員會集牧師之所當中國委員來時多有案中紳士人等相隨各委員正在會同查勘間該紳士人等慫恿衆人滋鬧延至晚間及夜半時竟將新蓋教堂焚毀是日先後屢有官員前來此地概未攔阻拆燬彈壓衆人嗣據地方官所稱此事起衅由於牧師狂妄所致云云以上實在情形均爲星領事官暨富繙譯官所目睹礙難推諉在地方官旁觀不理並遮掩粉飾各情本國朝廷早

已見及中國官員於條約所載第八十八各款明文毫未遵照辦理於此不免有詞現在案懸六月有餘中國官憲如何辦理有無足可伸冤此節必由本國總理各國事務丞相酌奪若云按照閩省大憲擬辦完結能否保其將來本大臣難免以若僅論第八款中國朝廷於傳授習學者許爲保護乃閩省地方官並不遵照等語回咨本國查照閩省建寧府暨延平府等處各案諒貴親王早已深悉在本國朝廷頗不欲干預他國相待民人之事惟條約載明准行傳教一節本國不能視爲具文本大臣速請貴親王嚴飭各省於條約此款明文務須遵照至教士受侮不止閩省一處應俟本大臣抵京後再行續論也爲此照會須至照會者右照會大清欽命總理各國事務和碩恭親王一千八百七十九年五月初十日己卯年閏三月二十日由閩省福州行次發

英欽差威妥瑪照復烏石山案仍須英丞相允許始可完案照會

光緒五年六月

初四日

大英欽差駐劄中華使宜行事大臣威爲照復事照得光緒五年四月初七日

接准貴親王來文內以閩省烏石山燒燬教堂一案照會前來准此查接到貴親王來文之時正值本大臣北上之際嗣因途次遭難有誤行程以致諸事多未就理於接准來文後未遑登復否則早爲備文知照矣此層尙希原諒查此案本大臣前於閏三月二十日照會貴親王時曾已叙及此案前於去歲十月間傳署大臣接准本國總理各國事務丞相薩電報以此案應先由本丞相應允始可完案等因在案茲准來文本大臣只能以前次各情備文照復仍請貴親王查照再本大臣於五月二十日趨赴貴署晤見列位大臣時並已聲明所有閩省官憲與本國駐閩領事官來往文件均已賚送本國總理各國事務丞相薩核奪辦理爲此照復須至照會者右照會大清欽命總理各國事務和碩恭親王一千八百七十九年七月二十一日己卯年六月初四日

英欽差威妥瑪追述烏石山案緣由照會光緒七年二月十四日

大英欽差駐劄中華便宜行事大臣威爲續行照會事本月十三日本大臣業將各處地方官於治內居民立約累及洋人重致失事之由摘要備文照會貴

親王在案惟所叙重案之內尙有較近要案未審一時何以竟至遺記未曾提及卽本省烏石山一案是也溯查此案緣因本國教士欲於以爲永遠承租地內起建學房一所不意事忽生辨旋經福州本國領事官允將地址履勘並約會彼處紳士同往查明惟數月前歷有奸民粘貼招帖煽惑輿情迨至光緒四年八月初三日卽係紳士會同領事官派員在烏石山查勘之期突有無數刁民擁進教士地內將學堂肆行焚毀查此案肇端究因地方官未肯約束居民橫行不睦之心且有洋人大半疑爲此等妄事轉出於地方官自行指使之故設使日後再遇類斯揭帖等事端出閩省則前此之案在本國斷弗置於懷外也相應再行備文照會貴親王知照可也爲此照會須至照會者右照會大清欽命總理各國事務和碩恭親王一千八百八十一年三月十三日辛巳年二月十四日

福州烏石山英教堂被焚案

光緒庚子辛丑電報

全權大臣奕劻等電 光緒二十六年十一月二十日

軍機處宙密頃准領袖日國使臣照稱貴王大臣恭錄諭旨十二條大綱應即照允等語當經諸位同差商託照復目下各國全權大臣以照允之語爲據今附送專條俾貴王大臣署名畫押並請貴王大臣恭錄照允諭旨蓋用御寶分送各使署以昭信實俟各國大臣接收蓋用御寶之諭旨以及貴王大臣署名畫押專條之時援照貴王大臣所請之意當即早定日時會晤應請貴王大臣於會晤之先將欲商各事預爲照知迨各國大臣議妥以便當面答復而免遲延等因臣等查西人多疑性急已聞湖北傳來停止畫押之信更爲疑急擬將初六日諭旨十二條大綱應即照允字樣蓋用皇帝之寶分送各使署一道以堅其信一面將條款署名畫押仍將前備說帖於所商各節備文照知詳細妥議似於大局無妨乞代奏請旨奕劻李鴻章治

全權大臣奕劻等電 光緒二十六年十一月二十日

軍機處由元旨敬悉前奉魚旨十二條大綱應卽照允當卽備文知照各使各國宗旨皆以此次肇禍其鉅所交各款係屬公同簽定在彼方謂極爲持平無可商改稍一置詞卽將決裂迭經江甯電陽電陳明在案近與各使先後晤談均以第二次會晤必須遵旨畫押方足見朝廷真心修好以後始可就款引申臣等已按照榮祿等支電並參酌各說預備說帖於詳細聲明之中隱寓設法補救之意擬於畫押後從容計議下次會晤再行暢論倘旨已照允臣等不能畫押彼必謂朝廷無信全權無權不但不能商催撤兵並不能止其進兵關係利害太大日來德瓦帥方厚集糧械左顧右盼分兵四出若再有耽延必卽別出詭謀臣等何敢當此重咎並據美日使來稱畫押後朝廷允辦各節如第一二三四款及第十款必須立見施行以昭大信至應行聲明各節儘可於畫押後詳細磋商卽如償郵款改約章兩條均節目繁多決非朝夕所能就緒至第二款日後二字臣等初亦省詫惟存意將來辦理交涉必不可少此語卽如毓賢董福祥皆閏八月初二日旨內所無聞以後並無似此只在內來日方長斷

不能劃清界限卽如歸化城六月間有殺害英國畫圖師一案近始訪聞正在查辦此類甚多實難預爲禁絕聞各國現已趕繕條款預備互換爲期甚迫倘彼日內定期會晤臣等只有遵旨辦理劉張等相距已遠情形未能周知若隨時電商恐誤事機請代奏奕劻李鴻章諫

盛宣懷電

光緒二十六年十一月二十四日

行在榮中堂王中堂鹿大人街昨電邸相如下各款旣備說帖賠償似宜引申若祇云量力彼謂用西人西法力必有餘恐其侵我財政一請核實太吾氏報主面稱日本兵餉算至西三三日止用洋二千七百元地雖近人最多各國有度支册只要彼允核實較勝空言商減一請免利如兵費定限分還其國家免借銀行利債卽略計息亦免扣頭一請分賠各會各人除戰地外各省自行議賠使地方後來知懼財產亦有對證一請稅釐擔保第六第十二已含除釐加稅洋商多主此議若指鹽課地丁等皆勿允偏他自允加稅可抵二千萬別項理財留以自強請察看如果此時不列者後難補議可否摘要列入說帖云宣

懷叩漾二

盛宣懷電 光緒二十六年十一月二十四日

行在榮中堂王中堂鹿大人宙昨承恩命會辦商務悚惶之至細閱十二款陽似和平陰實包括第一二三四十勢須立見施行第五七八九彼因圍攻使館力防後患惟有照樞電磋商限制倘將來近鑑日本能自立即能邦交彼兵自退第十一通商修約係善後事和約既定如示以切實整頓內政當可力與爭論第十二變通總署交涉之地多參公法若主持得人有益無損第六款賠補過多則上下交困數目未定其欲必奢慶邸李相前示赫德節略內稱無論何項辦法四五十年每年須籌出三千萬兩蓋連借款利息計算在內共需十數萬萬各省復查出入相抵每年已不敷一千數百萬若再加三千萬竭天下脂膏不足還債何以立國日夜焦思和約畫押之前既有說帖照會若不切實引申恐後難磋磨昨電邸相另錄呈覽乞鈞察宣懷叩漾一

盛宣懷電 光緒二十六年十一月二十四日

行在榮中堂王中堂鹿大人宙昨承邸相奏調隨辦稅則條約自當遵照惟夙患痰喘病發則寸步難行封凍未能北上稅則商務本屬善後必俟撤兵回鑾始能籌議聞各國先令議院商會各抒所見宣既蒙重任必須與各省預先考核釐稅比較輕重使全局利害瞭如指掌方可赴京開議謹以奉聞宣懷叩漾
三

盛宣懷電

光緒二十六年十一月二十四日

頃奉邸相漾電草約十二條即遵旨畫押此約不另請批准亦不互換與尋常議約事體小異和局可成此後約議詳細章程磋商定後當另有約款祈轉江鄂及各省各處云除另轉外宣敬

江西巡撫張紹華電

光緒二十六年十一月二十五日

行在軍機處中堂大人鈞鑒奉月朔寄諭逸悉伏查江西俗尚蠻橫教堂甲於他省莠民習教欺壓鄉里教士袒護民間積怨最深今夏北事起聞風報復焚搶教堂教民疊疊地方文武護送教士出境幸而毋恙紹華接篆後值和議將

成教士紛紛回江而民氣未靖嚴飭地方官加意保護教堂未燬住堂已燬則代賃屋月餘尙屬相安以前教案自應逐件清釐責無旁貸刻已辦結二三處昨電商督臣會委記名道錢德培贛南道賀元彬督同各府縣持平速結錢道馳往上海見總領事面商辦法冀免各教士任意刁難多生枝節除具奏外謹先電稟現辦情形乞代奏仰紓宸廑紹華謹稟敬

盛宣懷電

光緒二十六年十一月二十六日

行在榮中堂王中堂鹿大人滬密傳相電董擬先行革職聽候查辦各使尙不允而樞意堅持奈何等語帶旨遵奉內廷諭旨一語必須設法說明期於必無後患奉令官兵語句亦須辯明爲妥慶邸李相雖指爲空文然不辯則自認矣查自五月至今上海與各國辯論皆以朝廷不得已苦衷之諭旨爲准闔館牋使皆非朝廷之意外人深信不疑故往來國書祇欲懲辦禍首宣與李劉張共持此說原從力杜後患起見嗣後各使持武衛軍器械爲攻館實據又疑官兵受榮相命令所爲經力辯若非榮相委曲保全豈砲力不能及一巷耶並撰說

帖刊報始明今若欲爲董福祥開脫徧思不得其法深恐各使積忿不平轉疑董亦有所奉令爲將來伏後患關係至鉅務乞詳籌宣懷謹肅徑

全權大臣奕劻等電 光緒二十六年十一月二十七日

火急西安軍機處甯楊使督電文旨未接俄照復外部即日回都洋報傳阿提督與增祺各派員互訂奉天交地九款一由將軍保護地方助造鐵路二保路俄兵房屋糧食由我供備三遣散華兵交出軍火四毀全省礮台五地方安靖係交回牛莊等處六地方歸我自備巡捕彈壓七俄派員駐瀋陽預聞要公八如華捕力不足由俄派兵相助九以俄文爲準云密詢維持確有其事惟增約係暫時辦法倘彼挾此成見商辦之件何從措手與維駁詰至再伊稱中國肇此大禍若不慎防將來勢必一誤再誤俄非孩提可以屢欺等語竊思旣面允歸地決無翻悔但恐所謂交還是吏治而非兵權有空名而無實惠九月間由外部轉東三省各電迄今無復恐爲俄官所阻消息彼通我塞除晤外部續電外請先代奏云查增祺來信前因省城危急適已革道周冕由黑龍江來瀋因

其略習俄事派往旅順議和惟不應加全權委員之名致該員肆行無忌擅立暫且章程九條並未請示卽行畫押增欲改悔又派員至旅相商阿無回信聞頗有後言玩維特語氣想外部亦必堅持以後事實難辦且晉昌壽長各擁邊隊聲稱報復恐俄藉以開釁楊使所稱交還吏治而非兵權此實俄隱情成見牢不可破應如何諭令相機維持俾無決裂再據格使屢言旣授楊儒全權不應令臣等互相參酌致轉折遲誤以後但當自請電旨耳請代奏奕劻李鴻章徑

全權大臣奕劻等電

光緒二十六年十一月二十七日

火急西安軍機處宙督敬電旨敬悉昨已將條款畫押並將用寶諭旨條款說帖備文送交遵奉內廷諭旨一語雖稍刺目而下文卽云中國旣自表明悔過認責並願挽回因此事變所生情勢等語是已不辨自明臣等敢保其必無後患奉令官兵一節詢據德使面稱神機營兵恩海被獲供稱戕害克使係端王傳令所爲而令係何人所傳亦無左證恩海業經該使正法可勿深究其第一

款欽派親王聞該使意有所指隨後再奏樹立銘誌之碑如何與克使品位相配此自有洋式已囑該使轉致該國擬定容派員先行撰文呈覽日本應用何典優容亦須與該使商酌傳教章程另立專條已於說帖內載明至撤兵一節聲明先行停戰不可再分兵往各州縣城鎮四出騷擾除留京保護使館及由京至海邊暢道酌留屯兵外其餘在京及保定天津通州各兵隊應從速定期全撤聞各國須俟開河運船到時方能起隊約在春融又聞德瓦帥奉其國主命要俟回鑾覲見後起程未知確否請代奏奕劻李鴻章宥

全權大臣奕劻等電 光緒二十六年十一月二十九日

火急西安軍機處由徑電旨詢應行宣布各條以辦首禍爲各國著重迭探俄日美三使口氣以所擬莊等罪名似可塞望但以各使未必盡允爲詞董未定罪斷難應允篠電爲難情形實所深悉屢與各使竭力磋磨堅不可轉再四籌商擬先行革職聽候查辦在我似尙易辦彼縱未必愜意而查辦可輕可重似可據以解說此條議定各條始可宣布候復再電奏慶鴻沁

兩江總督劉坤一等電 光緒二十六年十一月二十九日

西安行在軍機處鈞鑒簡電奉旨恭悉修改通商行船條約載在大綱十二條已經奉旨照允畫押若忽生異議不願修改各國將疑我反覆各款均不足信於和局且有妨礙原奏謂戰事止在北方東南通商行船一切照常應與商免修改等語查當日保護東南一切原係奏明遵旨辦理所以宣布朝廷德意今日議約自未使以朝廷已允之件另起波瀾至補救之方謹當詳思力籌此係善後事宜不比議和總約事機緊迫惟有於商酌細目時視彼要素何款相機抵制設法堅持總以勿礙我商民生計勿侵我自主之權利爲主聞各國已令議院商會各紓所見勢將擇其利彼損我者合力挾求更改蓋各國通商自有常法修改條約必期彼此有益中國則舊約本已受虧彼本不以各國通例待我戰敗以後必然猛改愈很勢所必然儻能於和局大定之後卽行宣示整頓內政切實辦法使各國咸知我有發憤自強之望力除積弊之心則籌議修約時尙可容我置詞不致一味聽人指揮受人侵削坤一之洞擬卽扎飭各關道

並分咨轉飭各省關道將關繫通商行船各事宜各具說帖以備參酌一面互商全權大臣一面奏明備考宣懷亦飭各商局預籌利弊屆時以便隨同商酌請代奏坤一之洞宣懷勸

盛宣懷電 光緒二十六年十二月初五日


火急行在軍機處亥英君主薨逝新君好勇鬪狠近與德聯東方大局關係甚重故日主格外優禮中國自聯俄後英頗外視我將來北方俄必爲患似宜乘機與英修睦既有牽制之益通商加稅尤重在英廷助我請卽發國電唁慰並聲明隨後派專使赴英弔賀各國必有此禮我宜先發釋前嫌於不覺藉爲聯英張本而美日必隨之德之凌我俄法之圖我皆可暗減乞代奏宣懷謹肅支

駐英公使羅豐祿電 光緒二十六年十二月初七日

最急行在軍機處英主於本月初三日酉刻因病薨逝應否先行傳旨致唁祈代奏請旨豐江

山西巡撫錫良電 光緒二十六年十二月初七日

行在軍機大臣中堂大人鈞鑒頃據升允稟稱洋人已從五虎嶺來要到廣昌
囑該縣預備並轉致山西各營此係直隸地方業劃歸法國與山西無涉務須
趕緊退出免起兵端查廣昌既駐晉軍卽是晉省門戶我軍不能不嚴陣以待
派人前往開導升允因病請假已約萬本華前往會商堅忍堵禦等語伏思現
正議和各國理應退兵法人忽逼晉疆阻之則必開衅聽之則竟長驅究應如
何因應之處乞代奏請旨遵行並請電飭全權大臣轉致法國公使速令撤兵
以全和局錫良叩虞



原件短缺

嘎（先生白）嘎嘎，那個要喫什麼菲菜嘎。（阿蚌白）不是嘎，今日我同小姐來遲了些。（先生白）這也是王胖子的褲腰帶，滿不要緊，怎麼這等詐廟滾。（阿蚌白）是。（先生白）女學生，凡爲女子者，少喫水，怕咳嗽拉稀，杏乾兒打瀉，沒有喫頭，你愛聽不聽，昨日上的百家姓，想來是背得出的了。（阿蚌白）小姐是爛熟的了。（先生白）你呢。（阿蚌白）我嘎，稀乎腦兒爛的了。（先生白）嘎，稀乎腦兒爛的了，好，我最喜的是稀乎腦兒爛，拿來我喫。（阿蚌白）喫什麼。（先生白）拿來背嘎。（阿蚌白）是，背書。（先生白）扒下，（阿蚌白）先生爲什麼要扒下。（先生白）我的學規，背書是要扒下的，若背不出，就勢兒好打。（阿蚌白）阿呀呀，這等性急，待我背不出來，再扒下未遲嘎。（先生白）嘎，他說得有理，背。（阿蚌白）聽了。（先生白）講。（阿蚌白）趙。（先生白）嘎，好嘎。（阿蚌白）趙，趙。（先生白）趙什麼。（阿蚌白）白）趙什麼。（先生白）錢嘎。（阿蚌白）拿來嘎。（先生白）什麼拿來。（阿蚌白）拿錢來買果兒喫。（先生白）不要攪背書。（阿蚌白）趙錢，趙

錢（先生白）孫李（阿蚌白）孫李孫李（先生白）周（阿蚌白）孫李
周孫李周（先生白）還有個高行周嘍（阿蚌白）高行周高行周（先生
磕頭白）老太太饒了我罷真正背了個稀乎腦兒爛不要受罪了我替你背
罷（作背科白）趙錢孫李宇宙洪荒百家姓終焉哉乎也如何一口氣兩本
書背到底了可見我先生才高學廣拿去再讀聽講趙錢孫李昔有一人姓趙
名錢字孫李乃周時吳國人民鄭王馮陳他要褚衛（阿蚌白）先生他爲什
麼要褚衛介（先生白）呀依書講解只管瞎鬧（龍女白）請先生講完了
（先生白）聽了阿蚌你也聽着不要錯過了（唱）

〔桂枝香〕趙錢孫李周吳鄭王那馮陳與褚衛相連更蔣沈韓楊倚傍看朱
秦尤許朱秦尤許還有何呂施張孔曹嚴華金魏陶姜細參詳纔知道戚謝偏
要連鄒俞栢水剛剛接寶章（阿蚌白）講得好嘍（先生白）怕不知道講
得好要你來奉承阿蚌取文方四寶與小姐摹字（阿蚌白）是曉得（龍女唱）

〔又一體〕花箋展放濡毫摹倣舒纖手玉管輕抬慢臨就鍾王筆仗銀鈎鐵

劃銀鈎鐵劃。似龍蛇澆漾。精神佚蕩。細評量。從來書法尊顏趙。於今重米黃。

（曲內阿蚌先生發譚科先生打盹阿蚌作鬧醒科先生白）
噯，你這學頭，怎

麼與我上頭上臉，沒大沒小起來。（阿蚌白）
沒有噯，何嘗介。（先生白）
我

如今要打了。（作打科丑學髮上白）
了不得了，了不得了，小姐，小姐。（龍女

白）
爲何這等大驚小怪。（丑學髮白）
了不得了，方纔來了四個野仙，要討

寶貝，公子出去會他，把公子趕得抱頭鼠竄，把一個鯉太宰，裝在葫蘆罐兒裏，

如今又趕到門上來了，小姐你想主意罷。（龍女白）
噯，有這等事，待我出去

會他。（先生白）
住了，阿呀小姐，你斷斷去不得。（龍女白）
怎麼說去不得，

（先生白）
小姐，他們此來，不過是要點子寶貝，你家有的是寶貝，送他點子，

若不穀，我還有一塊硯台，也拿來添上，我實在聽見打架伴嘴，腦袋就要發脹

的，又道是門前生瑞草，好事不如無，我在此磕頭了，我實在害怕，小姐好歹不

要去罷。（龍女白）
咳，先生你說那裏話來。（唱）

〔序馬聽〕
他藐視吾行，無故前來起禍殃。他將俺兒長欺凌，鯉伯生擒，水卒

遭傷。教人怒氣滿胸堂。我此行誓把機槍蕩。（先生白） 小姐還是不可去。

（龍女白） 咳。（唱） 不必驚慌。俺自有拿雲手段。那怕他屠龍技量。（欲走）

先生攔科白（阿呀，小姐，小姐，小姐）（唱）

〔前腔〕 苦勸伊行。休得輕身惹禍殃。暫時把雄心按捺。免得動地驚天。攪海

翻江。（白） 他們若沒有通天轍地的本領。怎敢前來廝鬧。況你是嬌嬌嬌的

女兒。我又是瘦怯怯的書生。嗔。（唱） 如何舞劍共掄鎗。常言強弱難相抗。（白）

阿呀，小姐，你萬一被他們提溜着耳朵掣了去。阿呀，我這百家姓，就失了傳。

（唱） 流落他鄉。無依無靠。寂寞徬徨。（作笑科） 龍女白（先生不必多言，學

鬢快喚衆水卒與侍女們，各持器械伺候。（衆扮四水卒夜叉鬚上先生白）

嗔，這意思小姐不聽吾言，執意要去，也罷，我也去。（龍女白） 先生，你是瘦怯

怯的書生，如何去得。（先生白） 我早已要去的了，你若不去，我也要去。（龍

女白） 既如此，水卒們，與我迎上前去。（衆應同唱）

〔金錢花〕 疾忙整肅刀鎗。刀鎗。人人買勇爭強。爭強。中堅環衛女嬌娘。敲鼙

鼓韻鐘鐙。傾刻里陣雲黃。(下)

第五齣 敖廣逞雄

(扮漢鍾離呂洞賓李鐵拐藍采和白猿柳樹精上同唱)

〔豹子令〕 奇珍被攝動無明。動無明。龍宮騫地起紛爭。起紛爭。無知龍種來
嘶併。今朝敗北無踪影。送還法寶始心平。(白) 呔。衆夜叉聽者。快去報於龍
王。速將法寶獻出。萬事全休。若執意不還。俺就踏平水府。擒捉敖廣。去見玉帝。
(龍子內白) 衆水族與俺迎敵者。(扮四夜叉引龍子上作戰科龍子敗下
六仙追下四水卒四夜叉四孽衆引龍女先生上同唱)

〔水底魚〕 水怪猙獰。沖波破浪騰。蝦兵擂鼓。蟹將展旗旌。蟹將展旗旌。(下)

六仙追龍子四夜叉上戰敗下四夜叉四孽衆龍女上接戰對大攢下白猿
一夜叉漢鍾離一孽衆柳樹精一夜叉藍采和李鐵拐續攢下呂洞賓龍女
上戰科呂洞賓唱)

〔既精令〕 笑你這小小娉婷。妄逞螳臂把車來挺。勸伊留取小殘生。及早去

避跡潛形。(作戰科龍女下作變四龍女化身上呂洞賓下作變四洞賓化身

上對戰科分下呂洞賓龍女從兩場門上戰科龍女敗下呂洞賓追下漢鍾離
一擊鬚一夜又上對下扮李一夜又先生上對下藍采和龍子一夜又上對下
白猿一夜又一擊鬚上對下柳樹精二擊鬚上對下呂洞賓追龍女上戰科龍
子上接戰衆上對大攢下作敗邊場龍子白)閉上水府。(下六仙追上藍采
和李鐵扮白)呀,你看這兩個小畜生,又將水府閉上了,這便怎麼處。(漢鍾
離呂洞賓白)我等將水府擊開,趕將進去,取回法寶便了。(同唱)

〔一疋布〕 恨孽龍多頑梗,使着偷兒性,偷將法寶圖僥倖。今番定個輸贏。
(下四水卒四水怪引龍王上唱)

〔趙皮鞋〕 水府絕囂塵,爲愛奇珍起戰爭。兩邊勝負自難評,只聽捷音來報
呈。(白)孤家只爲圖謀法寶,令孩兒出去答話,致起干戈,聞得女兒也去幫
戰,不知勝負如何。(龍女龍子上白)自決圖全勝,誰知敗北歸,父王那裏阿
呀不好了。(龍王白)你二人這般模樣,必是輸了,快些說與我知道。(龍女

龍子白）孩兒們方纔出去迎敵，不想那四個野仙，道法高強，神通廣大，將孩兒們追得抱頭鼠竄，如今趕進府門來了。（龍王白）有這等事，快播起鼙鼓，聚集水卒，待俺親自走遭，務要將他四人擒獲，方消我恨，就此迎上前去。（同唱）

〔蛾郎兒〕 忙聚起水族兵，大展威風，怒氣騰。只見那鎗刀密劍戟森，羽流獲着海字清。（白猿柳樹精引四仙上作見四仙白）敖廣，快還法寶來。（龍王白）呔，何處毛仙，無故鬧俺龍宮，是何道理。（四仙白）你偷俺法寶，令子抗拒，罪在不赦，反說無故鬧你龍宮，果然賊人嘴硬。（龍王白）呔，你欺俺兒女，傷俺水族，我今統領大兵，特來擒你。（呂洞賓白）休得胡說，看俺飛劍取你。（衆作對攢科四仙白猿柳樹精攻下水卒白）走了。（龍王白）他既敗走，諒也不敢再來，不必追趕，就此回府。（衆應同唱）奏全功，敲金鏡，齊唱個饒凱歌聲。（下）

第六齣 琴高入甕

(扮果老韓湘子曹國舅何仙姑上唱)

〔好事近〕舉眼望波濤。不轉睛凝凝瞻眺。見拍天潮湧。都應起螻蛄蛟。(果

老國舅白)鍾離洞賓等。去向龍王索取法寶。怎麼還不見轉來。(韓湘子何

仙姑白)你看海中波濤震動。潮浪翻空。不知是何緣故。(果老白)想是龍

王抗拒不還。在那里爭鬪了。(國舅白)龍王自來服化效靈。豈有藏匿不還

之理。(果老韓湘子何仙姑白)不然呵。(唱)那滄波靜悄。却原何騰沸如

山倒。(洞賓鍾離拐李采和白猿柳樹精上唱)未曾向鱗陞嵩呼。先到這龍

宮爭鬧。(果老國舅韓湘子何仙姑白)四位仙翁回來了。可曾收回法寶麼。

(鍾離洞賓拐李采和白)不要說起。方纔去與他取討。那龍王使他兒子出

來答話。他竟公然自認。藏匿不還。反說我們鬧他的龍宮。被我等將小龍戰退。

正要去看龍王。不想那敖廣。盡起水族。將我等戰敗。只得回來了。(果老國舅

韓湘子何仙姑白)如此說來。法寶不曾取回。反被他們戰敗。就是這樣撒開

不成。(漢鍾離呂洞賓李鐵拐藍采和白)且再商量。(內水聲科八仙白)

呀、你看海波之中有許多人物、泛海而來、莫非是龍王率領水族、又來索戰、我等須齊心禦敵者、（琴高洪崖先生眷屬等衆水怪拍傢伙各背行李等上唱）

〔前腔〕 隨波逐浪也逍遙、看瀉瀉萬頃波濤、蓬萊弱水、誰言道力不勝毛、俺

今爲遷移飛渡、還携着僮婢與家小、（八仙白）洪崖先生請少住、（洪崖先

生琴高白）呀、原來是上八洞仙翁、請了、（洪崖先生白）好高興、洞中炎

熱、在這海灘上乘涼、真正瀟灑之極矣、（八仙白）洪崖仙翁携着寶眷、往那

里去遊玩、（洪崖白）不瞞諸位仙翁說、小仙向住在這東海之中、蓬萊山上、

只爲積欠下房錢、被房東趕了出來了、如今要搬、（八仙白）搬到那里去、

（洪崖白）要搬到圓嶠山去、（八仙白）先生喬遷之喜、我等少賀了、（洪

崖白）好說、（八仙白）琴高先生何往、（琴高白）洪崖先生今日移徙、乏

人料理、特請我來相幫、不知衆位仙翁在此何幹、（八仙白）我等要往御園

稱賀、渡海而來、（漢鍾離呂洞賓白）不想被龍王、將拐仙國真的法寶偷去、

（洪崖先生白）快些查點查點我的東西，可曾失去什麼？（琴高白）爲何不去取討？（漢鍾離呂洞賓李鐵拐藍采和白）我等前去取討，那龍王藏匿不還，反將我們戰敗。（琴高白）原來如此，那龍王與我有舊，待我前去說個人情，討來送還，二位如何？（八仙白）如此多謝。（洪崖先生白）本欲在此奉陪，奈我新房內，還要糊糊棚，燒燒炕，叫上些煤，糴些米，好過日子，況且賤眷在此不便，只得失陪了。（琴高白）既如此，洪崖先生，你與寶眷先行，我到龍宮，取回法寶就來的。（洪崖先生白）說得有理，就此分頭而去。（同白）請了。（同唱）一壁廂向圓嶠遷移，一壁廂向龍宮索寶。（琴高洪崖先生等分下八仙白）你看琴高去見龍王，不知可討得法寶回來否？（張果老白）只怕敖廣未必順情，我等必須倩人幫助，方纔取得回來。（七仙白）果老仙翁言之有理。（漢鍾離白）我與洞賓在此等候，琴高諸位仙翁，可去請來幫助便了。（衆白）有理。（同白）暫時分別去，邀請衆仙來。（六仙下漢鍾離呂洞賓白）衆位仙翁已去，我們在此等候便了，非是神仙甘破戒，祇因龍種起

貪心（下水卒夜叉引龍王上唱）

〔引〕仙家至寶屬吾曹。笑吟吟喜上眉梢。（龍子龍女上唱）笑他道術枉稱高。今朝敗北，忍耻潛逃。（見科龍王白）可怪他四人，藐視俺水府，被我聚集水族，將他一戰而敗，不知逃往何處去了。（龍子龍女白）他若再來，管教他沒趣。（一水卒上白）纔把神仙戰敗，又有神仙來拜，啟大王，外面有位仙長，名喚琴高，特來拜訪。（龍王白）琴高是我的好友，快請。（龍女下一水卒白）仙長有請。（琴高上唱）

〔引〕爲因仙友失奇寶，特把龍宮輕造。（龍王出迎科白）仙翁（琴高白）大王請。（作進門見禮坐科龍王白）不晤仙儀，幾經歲月，今日辱承光降，不知有何見教。（琴高白）闊別台顏，時懷思憶，一者特來拜訪，少叙寒暄，二者爲上八洞仙友，在此渡海，失去法寶二件，聞知大王收得在此，望推薄面，懇乞見還。（龍王背白）原來這厮是他們的好細，我有道理，嗔仙翁那兩件法寶，是我收得在此，既是仙翁說情，敢不如命，且看酒來，與仙翁暢飲一回，取來奉

還便了。(琴高白) 阿呀呀,足感聖情。(龍王白) 看酒來。(同唱)

〔千秋歲〕 進香醪。設宴追歡笑。聊款曲。魯酒菲饈。賓主交歡。賓主交歡。猛拚着沉醉。玉山傾倒。(琴高白) 小仙酒力不勝,將已醉矣。(龍王白) 說那里話,你我故舊相逢,合當痛飲。纔是取大盃來,奉敬仙翁十大盃。(同唱) 小槽滴珍珠耀。須痛飲。開懷抱。莫被洞口桃花笑。(琴高白) 喫不得了,醉了醉了,大王快將法寶取來,小仙要告辭了。(龍王白) 且慢,取金斗來。(夜叉取金斗科白) 斟酒。(琴高白) 做什麼。(龍王白) 可將此斗飲盡,吾即將法寶送還。(琴高白) 我已醉得緊了,如何飲得此斗。(龍王白) 若不滿飲此斗,不能從命。(琴高白) 罷了,刀靶在他手裏,說不得,大王,喫了是要還的呢。(龍王白) 這個自然。(琴高白) 如此嚶,請飲。(飲作吐醉倒科龍王白) 哈哈。(同唱) 只見他沉迷側倒。酩酊醺醺。(龍王白) 衆夜叉,可取掘仙索,將他綁了。(作綁科琴高白) 嘖,你們爲何綁我。(龍王白) 你這野道,不度力量,輒敢到龍宮,與他們做奸細麼。(琴高白) 噲,盜友。(龍王白) 你是山

中野道、我乃水府神祇、你我門路各別、什麼道友、（琴高白） 因你偷了上八洞仙的法寶、故此稱你是盜友、（龍王白） 什麼道、（琴高白） 我是僧道之道、你是賊盜之盜、字義雖異、音韻略同、豈非是盜友、噲、盜友、我是好意來與你調停、反到把我如此難爲、你不要太歲頭上動土、（龍王白） 諒你們這些野道、有何本領、我也不來難爲你、過來、把我的陰陽二氣寶瓶抬過來、（夜叉抬瓶上、琴高白） 噯、可是要請君入甕的意思、（龍王白） 將這甕裝在瓶內去、（作裝琴高入瓶科、龍女暗上、龍子、龍女白） 請問父王、爲何將他裝在瓶內、（龍王白） 你們不知、我這陰陽二氣寶瓶、將他裝在裏面、只消一個時辰、現出本相矣、（龍子、龍女白） 原來如此、待孩兒們把盞、與爹爹慶賀頭功、（龍王白） 生受你了、（同唱）

〔越恁好〕 綺筵再整、綺筵再整、美酒泛瓊瑤、見蝦公進酒、魚鱉們舞絞綃、今朝先把頭功報、管氣祇靖掃、（龍王白） 呀、你看寶瓶爲何亂動、夜叉們、打開來看、那野道怎麼樣了、（夜叉打開看科白） 啟上大王、瓶內空空的、野道不

知那里去了。(龍王白)有這等事待我看來。(看科白)阿呀罷了噯又是前番故事來了。(龍子龍女白)父王前番什麼故事。(龍王白)當初有個唐三藏往西天拜佛求經與徒弟孫悟空路過獅駝嶺那嶺上有獅象鵬三個妖精思量要喫唐僧肉與孫悟空鬥法那大鵬金翅就將這陰陽二氣瓶把悟空裝在裏面少頃打開看時悟空已經遁去今番琴高亦是如此豈不是前番的故事麼。(唱)前番的悟空也能脫套今番的琴高也猶其妙。(龍子龍女白)父王我想琴高遁去必要遍告諸仙前來廝鬧俺這里恐非敵手如何是好。(龍王白)不妨待我修書一封寄與你姑爹錢塘君教他率領兵將前來幫助便了。(龍子龍女白)父王言之有理。(同唱)

〔尾聲〕若要他神仙回不轉蓬壺。修尺素向錢塘走一遭。把那些無用頑仙拘海底聽汐潮。(下)

第七齣 水府相持

(扮雲使上跳舞科儀從仙童引寶華延壽天尊上唱)

〔鬪鶴鶻〕 化日長舒。久已的仁風遠佈。逗留得麟轡忙。鳳輿疾馭。一樣的

搖玉鳴珂。好隨他班聯文武。（白）金闕晨開瑞靄融。歡聲騰沸八紘中。蕊宮

貝闕均沾化。也與人間祝願同。吾寶華延壽天尊是也。今日運際休明。時逢清

晏。允文允武。車書昭一統之謨。來享來王。玉帛致萬邦之會。真生民之未有。誠

曠古而獨隆。爲此欣驂義輿。高駕雲車。遍遊海宇。廣採民風。仰聖治之光華。睹

皇猶之允塞。更欲親詣御園。少申慶賀。一路行來。你看這些氤氳瑞靄之氣。早

已佈滿週天大地也。（唱）只見那祥和氣徧寰區。因此上駕着繡轂雕輪。離

却瑤宮蕊圃。（同下）太陽子離明北極子陰長生馬成子馬丹蒲夜子偓佺八

仙琴高白猿柳樹精上同唱。

〔紫花兒序〕 纔離了閨苑蓬壺。迤邐的共下雲頭。同將風御。丟撇下成仙的

澹泊清靜。竟學那戡亂的撻伐征誅。（分白）我乃太陽子離明是也。我乃北

極子陰長生是也。我乃馬成子馬丹是也。我乃蒲衣子偓佺是也。（衆白）只

因上八洞仙翁。失去隨身法寶。龍王抗拒不還。爲此特請我們幫助。（八仙白）

借重列位，取回法寶，自當酬謝。（散仙白）怎麼樣酬謝呢？（八仙白）無非

痛飲一醉而已。（散仙白）衆位仙翁，正因貪盃悞事，還要痛飲一醉。（琴高

白）果然酒能悞事，我被龍王灌醉了，裝我在寶瓶內，幸虧遁得快，不然了不

得。（八仙白）終不然叫我們戒酒不成。（散仙白）不要閑說了，快去取回

法寶要緊。（衆白）有理。（同唱）且慢自支吾，及早向海波深處把孽龍除。

這是他自造業，有誰回護，休得要退縮委靡，還須得胆壯心粗。（白）來此已

是海邊，我等一同下去，擒捉敖廣去者。（下四波臣引錢塘君上白）撼嶽搖山

性自昂，翻江攪海勢豪強，水源分守稱君長，威鎮錢塘意氣揚，俺乃錢塘君是

也，適有東海龍王，差夜叉賁書到來，道有上八洞仙，大鬧水晶宮，請我相助爲

此統領水族，前來接應，就此前去。（下雲使儀從八仙童引寶延華壽天尊上

唱）

〔小桃紅〕排開雲路，天際望皇都，見祥雲紫氣重重護，梯航萬國効山呼，端

的是邁古好規模。（內吶喊科延壽天尊白）呀，何處戰鬪之聲，振天動地，吩

咐暫停雲軒。(唱) 驀聽得金戈響處徹凌虛。更和那吶喊聲呼。征雲四佈。俺待觀分明。暫把雲駢護。(雲下夜叉四擊髮阿蚌龍王龍子龍女八仙散仙對大攢科下白猿柳樹精洞賓鍾離錢塘君四波臣上錢塘君白) 野仙休走。俺來也。(鍾離洞賓白) 哇。你這厮不在錢塘鎮守。來此東海。助桀無道。同惡相濟麼。(錢塘君白) 你搔擾水府。傷殘水族。何況休戚相關。豈能坐視。俺今率領水族。擒捉爾等。去見玉帝。那里走。(鍾離洞賓白猿柳樹精四波臣錢塘君對戰科下延壽天尊唱)

〔天淨沙〕 賊地里拍天高潮浪騰空。霎時間蔽日光蜃氣凝虛。際此昇平世。澄清海宇。却原何反動天兵。好教俺猜不出甚緣何故。(龍子北極子上對下阿蚌曹國舅對下馬成子龍女對下何仙姑龍王對下太陽子四夜叉對下延壽天尊唱)

〔聖藥王〕 只見水族們相對着神仙侶。魚龍厮混把波吞吐。蝦鼈們排隊伍。都執着長戈短戟揚威武。一個個氣毫粗。(鍾離洞賓白猿柳樹精四擊髮上)

對連環下拐李采和果老韓湘子四夜叉對攢下延壽天尊唱

〔金焦葉〕 爲甚的神仙們與鱗虫相忤。怒轟轟氣奔胸脯。戰得個昏昏慘慘旭

日朦朧。亂紛紛愁雲堆堵。（四波臣何仙姑對琴高續對下蒲衣子錢塘君上對

下白猿柳樹精阿蚌上對阿蚌敗下果老一琴鬘對下韓湘子一琴鬘對下拐李

一琴鬘對下采和一琴鬘對下延壽天尊唱）

〔慶元貞〕 一壁廂騰波鼓浪來抵觸。一壁廂揚威奮勇忙相拒。兩下里相持

對壘較贏輸。思歎費躊躇。諒不是作戲動征誅。（龍王鍾離上對下龍子北極子

曹國舅馬成子蒲衣子上對下龍女洞賓上對下太陽子四夜叉上對下錢塘君

四波臣琴高何仙姑白猿柳樹精上對下延壽天尊唱）

〔綿搭絮〕 把一座掌平滄海。忽變做鼎沸洪爐。參不透就里機關。箇中事故

（白）你看諸仙爲何與水府爭鬪。待我問個端的。便知分曉。（唱）按祥雲

花萼下碧虛。向萬丈銀濤水上浮。且教他止戟停戈。把原由從頭細細剗。（八

仙琴高龍王龍子龍女阿蚌錢塘君四波臣上對攢架着儀從白）暫罷干戈。天

尊在此。(衆仙龍王等白)原來是寶華延壽天尊在此。(分立科)小仙等參禮。
(延壽天尊白)你們如此爭鬪，端爲何來。(八仙白)只因龍王偷了我們
法寶，抗拒不還，而反逞強搦戰，所以兩下相持。(延壽天尊白)原來如此，龍
王何驕橫至此，你乃水府神祇，不思效勤安瀾，反行偷竊，而又恃強搦戰，是何
道理。(龍王白)小神執掌水源，敢不盡心供職，爾來鯨鯢偃浪，海不揚波，只
因上八洞仙，不時渡海閑遊，驅使水族，故將他法寶收來，不想他們打進龍宮，
故此爭鬪。(八仙白)我等此番渡海，非爲閑遊，只因恭逢聖王萬壽聖誕，要
往御園稱賀，惹起這場爭鬪。(龍王白)阿呀，原來衆位仙翁要去朝天慶壽，
小神焉能知道，何不早早說明，也省了這番唇舌。(延壽天尊白)龍王聽
者。(唱)

〔拙魯速〕 遭逢着清世界美風俗，蕩蕩恩波彼此同沐。恁自應答懷柔酬恩
顧，把橫逆驅除。怎便持着蛟龍性氣，(龍王白)小神實不知，諸仙要去朝
天拜賀，故有此事。今已知罪矣，待小神將法寶取來，奉還便了。(龍王等下衆

仙白）請問天尊何往。（延壽天尊白）吾亦要往御園稱賀，在此經過，故而暫落雲頭一看，諸仙既欲朝天，何不同往。（衆仙白）我等尙要到衆香國，採取一枝名花，供獻御筵，請天尊先行，小仙等隨後卽至。（延壽天尊白）妙嗚，恭逢聖主萬壽聖誕，正該供獻琪花，衆仙可謂用心也。（唱）夏至初，琪花芬馥，堪折取獻皇都。（龍王龍子上白）法寶在此請收了，適來唐突，望乞恕罪。（衆仙白）這叫做不打不成相識。（同笑科延壽天尊白）法寶已還，吾往御園去也。（衆同白）我等相送一程。（同唱）

〔煞尾〕 看冉冉水際升雲霧，聽刁刁天籟沸笙竽。消罷了這一場惡戰爭，好同去慶萬載皇圖固。（分下）

第八齣 瑤階祝壽

（扮衆雲使引五大雲師上同唱）

〔混江龍〕 卿雲掩映，佈祥光爛熳燦虞庭。俺可也隨風舒捲，漾晴空耀日光。明早則見遍野氤氳籠瑞霽，視着這漫天霞彩散祥蒸。欣逢這明燦燦的光華

聖治。因此上碧輝輝五色雲呈。(白)我等乃五方雲使是也。恭逢聖主萬壽聖誕。奉太陽帝君之命。着我等將五色卿雲。佈滿週天大地。以爲仁壽之徵。帝君法駕先往御園。我等須各展神通。佈散卿雲。以光帝治。須索走遭也。(同唱)只見那効嵩呼三洲歡慶。盡梯航。陳玉帛。萬國輸誠。(下八仙上唱)

〔八聲甘州〕 和風玉宇清。見碧峯圍繞。紅樹晶瑩。仙山佳景。絕勝閬苑蓬瀛。

(我)我等渡過海洋。竟到衆香國裏。採取一枝名花。慶賀聖主萬壽聖誕。(鍾離白)列位仙翁。你看如今。聖主乘乾。萬靈向化。四方上下。神人仙佛。無不各着靈奇。真乃千載一時之盛世也。(衆白)便是。(唱)盡向那金階玉砌同聲慶。愧的俺無計輸將一點誠。(內奏樂八仙白)呀。(唱)遙聽碧雲中鼓瑟吹笙。(仙女仙童司花玉女上同唱)

〔甘州歌〕 冰輪煥彩明。見九光五色。交輝互映。週天大地。照耀得萬倍晶瑩。繁華世界花簇就。燦爛天宮錦織成。(八仙白)司花玉女請了。(司花玉女白)衆位仙翁稽首。(八仙白)請問司花玉女何往。(司花玉女白)太陽

帝君相邀、同詣御園稱慶、不識衆位仙翁、結伴何往、（八仙白）我等亦爲恭賀聖主萬壽聖誕、要向玉女借取一枝名花供獻、不期雲路相逢、（司花玉女白）我已携得各種琪花在此、就與衆位仙翁同去、呈獻便了、（八仙白）如此甚好、（內奏樂司花玉女白）呀、你看五彩卿雲、陸離光怪、早已佈滿週天也、（衆雲使引五大雲師上同唱）雲衣麗、霞片輕、祥光異彩現休徵、瞻依願、感戴情、人間天上慶長生、（白）司花玉女在上、五方雲使參見、（司花玉女白）衆雲使結伴何往、（五雲師白）奉太陽帝君之命、佈散五色祥雲、以昭聖瑞、請問司花玉女何往、（司花玉女白）恭逢聖主萬壽聖誕、特到御筵、呈獻六合同春之瑞、（五雲師白）原來如此、吾等意欲將五色卿雲、開入琪花、做篇合撰、不識司花玉女許否、（司花玉女白）如此甚好、且自試舞一回、再向御前呈獻便了、（五雲師白）衆雲使、可開入琪花、試舞一回者、（司花玉女八仙等上仙樓仙童雲使舞科同唱）


〔雙令江兒水〕

普天同慶、喜孜孜普天同慶、歡聲喧四境、看虹流華渚、電繞

樞星徧寰中。多瑞應。德盛福須增。仁多壽自登。如日之升。如月之恒。慶齡長聖
人年堪比並。溼精耀明。閃爍燦溼精耀明。珠呈玉瑩。光燦燦珠呈玉瑩。照耀得
錦乾坤似不夜城。（吹打擺勢科同唱）

〔又一體〕千迴難竟。喜花甲千迴難竟。同瞻寶祚永。久甄陶萬類。覆幬羣生。
論勳華今獨勝。蕩蕩莫能名。巍巍未易稱。天載長清。地勢恒平。千斯春萬斯春
成底定。欣輸寸誠。一個個欣輸寸誠。歡騰萬姓。闔盈盈歡騰萬姓。聽不了徧人
間頌禱聲。（司花玉女白）妙嘖。異卉飄香。卿雲舒捲。真奇觀也。就此同往御
筵前呈獻者。（衆應科同唱）

〔尾聲〕向堯階齊恭慶。把芹意葵心共傾。惟願寶祚綿延億萬齡。（下）



盛京事蹟圖

劉官諤

原藏清內務府造辦處輿圖房，蘿圖蒼萃續編輿圖房圖目續編收入輿地門。乾隆四十三年敕刊。紙本。圖凡五卷，卷各五幅。合之成一全圖。另附乾隆御題一幅，載乾隆四十一年六月十八日上諭，及四十二年御製戰蹟圖詩并序。文皆滿漢合璧。茲錄上諭及御製詩序於左：

上諭

乾隆四十一年六月十八日，內閣奉上諭：盛京吉林等處，乃我祖宗肇迹興王之所。前因皇輿全圖刊載地名，不能賅備，命於實錄內恭查詳列清單，將原圖并交將軍弘晌等查明添補。嗣據弘晌等按其道重形勢，將所開地名，添繪成圖呈覽，已交輿圖處將舊圖增改刊刻。但舊圖方幅有限，詳載地名，字體已小，不能復列事蹟，於幽岐之締造，尙不足以示昭垂。緬惟列祖，天作基祥，鴻業經營，規模大備。如我太祖太宗大破明師於薩爾滸山，凡戰勝


攻取之地，開創艱難，皆有山川疆域可考，自宜節舉大要，分注圖中，俾我世世子孫，按圖瞻仰，並得曉然於景命所貽，前勞所啟，益切欽承敬畏，以鞏億萬載丕丕基。詒謀垂裕之道，無於大於此者。著將盛京等處地方，另行展拓，繪爲大圖一幅。溯自長日發祥，以至奄有瀋遼，建國遷都，暨神武戡定各事蹟，並爲標白，兼清漢字，分注圖中。俾皆瞭如指掌，以備觀省，而示久遠。卽交大學士公阿桂，尙書公福隆安，協辦大學士尙書英廉，侍郎和珅，督率所司，敬謹辦理。其如何核計里數，展圖若干，足敷標識之處，著令西洋人悉心測算。並卽飭工繪樣呈進。俟閱定，卽壽諸棗梨，用昭世德鴻圖之盛。凜遵毋忽。欽此。

戰蹟輿圖詩序

盛京吉林諸處，乃我祖宗肇迹興王之所。而皇輿全圖所繪，向未賅備。因敬稽實錄事迹，命將軍弘晌等，詳考道理形勢，按圖增

補·且勅大學士舒赫德，阿桂等董所司拓爲大圖·於聖武豐功，標注地名之右·恭紀太祖太宗親征，及遣諸王貝勒等征伐者，爲地凡一百四十有四·圖旣成，將以壽之棗梨，垂示久遠·緬維我國家自長白發祥，以至奄有瀋遼，天與人歸，丕基式廓·而太祖，太宗，身歷戎行，開創艱難，皆有山川疆域可考·迄今按圖展對，益可想見當年景命所貽，前勞所啟·用是恭賦成什，誌不敢忘·卽以是詩錄之幀首，我世世子孫，遵覽斯圖，其尙欽承敬畏，以鞏億萬載丕丕基，而於余所以述祖德而垂後昆者，庸可忽乎哉！

據此知圖乃按實錄事蹟，繪入皇輿全圖而成·自清室長白發祥，以至奄有瀋遼，建國遷都，各項武功事蹟，按圖稽考，瞭如指掌矣·



國立北平故宮博物院文獻館二十六年二月分工作報告

整理事項

一 內閣大庫檔案

1 黃冊 繼續將各處黃冊卡片，分別省區，排比朝代年月，現排比至兵部馬政類，繕寫目錄，兵馬錢糧類已繕完。

2 試錄題名錄 繼續上月工作，編製試錄題名錄現存目，本月內計將武鄉試錄，武鄉試題名錄，武會試錄，武會試題名錄編完，武登科錄已編至雍正朝。

3 檔簿 繼續上月工作，編號登記，繕寫卡片，本月內計編繕至五九九號。

4 重鈔本滿文老檔 繼續復覈摘由工作，自天命元年正月至六年閏二月，共一五〇則，又覈對無圈點草本與正本，現已竣事，共計一

八〇冊。

二 軍機處檔案

1 檔簿 繼續將滿文檔簿，編號登記。本月自二一〇九號起，編至二二〇一號，共登記九三冊。滿文檔簿已登記竣事，並開始繕寫卡片，計繕就一九五片。

2 清冊 繼續編號登記，繕寫卡片，計繕就一二五片。

三 內務府堂檔案

1 檔簿 本館原已裝箱之雜亂檔案，業於上月清釐竣事。本月開始編號登記，繕寫卡片，粘貼號票。截至本月底止，計登記五六二片。

2 昇平署檔案 本月將前由內務府雜亂檔案中清出之件，分類登記，繕寫卡片，粘貼號票。截至本月底止，已登記檔簿一八二片，奏摺一四片。

3 雜亂檔案 本月開始清釐未裝箱之雜亂檔案，將檔簿與稿片文

件等分類清釐。截至本月底止，計清釐檔簿二百餘本，稿片文件等一百餘捆。

四 宮中檔案 繼續上月工作，依照整理檔案規程，逐件登記，粘貼號票，截至月底，計登記一二〇片。

編印事項

1 檔案詞解 繼續上月工作，蒐集檔案名稱及其中專詞，加以解釋。茲將已著錄於卡片之詞分別列下：

A 內閣大庫檔案

編審滋生戶口人丁文冊 戶籍黃冊 地丁黃冊 雜賦黃冊
淺貢銀兩冊 京倉收放糧斛數目奏銷清冊 到通漕
糧銷算清冊 通三倉一應收放糧斛奏繳清冊 江寧倉收
放過撫米數目奏銷文冊 江甯倉收放過糧米四柱奏銷文
冊 各旗倉奏銷四柱黃冊 盤查各城旗倉四柱黃冊 旗

地考成黃冊 餘地考成黃冊 鹽課黃冊 長蘆鹽課黃冊

河東鹽課黃冊 河南鹽課黃冊 兩淮鹽課黃冊 年額

正票引目已完分數文冊 掣派銷過額引文冊 隨徵引課

并節年未完縣場課解存數目文冊 餘引課費銀數文冊

各州縣場水鄉竈課錢糧經徵已未完解存款項文冊 節年

未完縣場課解存數目文冊 正引及肩住正票餘引徵收餘

價銀數文冊 額外積引改銷餘引課費銀數文冊

以上戶部黃冊

禮部奏銷錢糧清冊 壇廟祀冊 各壇廟陵寢舊管新收開

除實在制帛清冊 出入牛羊數目冊

以上禮部黃冊

勘合火牌冊 填用過勘合數目文冊 填用過火牌數目文

冊

以上兵部黃冊

贓罰黃冊 贓變贓罰黃冊 豁免贓罰黃冊 已完贓罰黃冊
未完贓罰黃冊 情實招冊 情真招冊

以上刑部黃冊

工部製造庫所用金銀錢文銷算清冊 工部用過零星錢糧
細數清冊

以上工部黃冊

太常寺奏銷舊管新收開除實在錢糧清冊 各陵寢奏銷管
收除在錢糧清冊

以上太常寺黃冊

光祿寺內用錢糧黃冊 光祿寺給發各處外用食物等項錢
糧黃冊 光祿寺彙總奏銷錢糧黃冊

以上光祿寺黃冊

兩堂知會 收文檔 知會檔 交文檔 殿試堂行檔 日記
收文檔 送票檔 實錄知會檔 行移檔 發修檔
發寫檔 撤本檔 發繙檔 略節檔 總辦檔 恭修實錄
檔 稿號簿 大日記 隨手日記 移付檔

以上內閣各房檔案

B 軍機處檔案

東巡事宜檔 謁陵成案 隨扈東陵事宜檔 隨扈西陵事
宜檔 崇慶皇太后七旬萬壽事宜檔 仁宗五旬萬壽事宜
檔 孝和睿皇后六旬七旬萬壽成案 皇太后四旬萬壽成
案 皇太后六旬萬壽慶典檔 獻俘之儀 醇親王祭葬典
禮檔 辦理廢員清檔 大員子弟檔 新疆檔 各省保舉
人員檔 保舉四品以上人員檔 保舉五品以下人員檔
保舉文職人員檔 引見檔

以上軍機處彙鈔關於國家庶政之檔案

C 內務府堂檔案

手賬 膳品號簿 調取各司處案卷簿 署名稽覈簿 像
備稽查 收各庫作單件簿 各衙門事項簿 各處解交物
件檔 添裁小檔 聖容冊 上傳檔 俸票底冊 會奏簿
啟帖檔 牌取檔 批解底檔 附片奏銷錢糧簿 傳票
簿 發放銀兩檔 徵收莊頭投充等錢糧草束額規 來北
司文檔 交庫銀兩檔 應揀選膳房題陞主事事簡 京察
閣鈔來文事簡 報捐鄭工各項新班司員來文事簡 京察
已交過各鈔事簡 京察各處呈報履歷印冊事簡 京察摺
單事簡 京察覆帶案件事簡 現辦選缺事簡 蔭生事簡
摺紉事簡 京察記名人員出身履歷事簡 每日事簡
內閣鈔片 堂交

以上日行公事檔案

更換腰牌年貌花名冊 莊戶丁口冊 發放稿 掌關防管
理內管領家譜 牌 劄 片傳 莊地清冊 文領

以上內務府各處來文及附件

批廻

以上三織造繳存之檔案

南府事件檔 昇平署事宜檔 旨意檔 差事檔 日記檔

恩賞 日記檔 旨意 日記檔 恩賞檔 行恩賞檔 行車馬檔

花名檔 公費檔 月銀檔 庫銀檔 白米檔 知會記

載檔 知會日記 腰牌檔 記寫本檔 內衆進宮年分檔

寫法檔 蘇拉檔 印籍簿 管要房錢檔 承應戲檔

承應戲記載檔 唱過戲賬 外班承應戲檔 散角檔 配

角記載

以上昇平署檔案

D 宮中檔案

隨扈大臣檔 缺本檔 折本檔

以上批本處日行公事

蒙古事宜檔 賞外大臣記載檔 王公文武大臣職名冊

以上奏事處日行公事

看女子 撩牌 吃肉牌 背燈牌 膳牌 朱車 挑褂子

述片 遞如意 常在

以上宮中檔案中所用之專詞

2 文獻叢編 二十六年第一輯出版。

3 總管內務府現行則例 廣儲司四卷出版。都虞司部分校至卷二。

4 清代漢文黃冊聯合目錄 繼續發稿校印，現已付印至四百三十

八頁，計五千九百十七號。

5 文獻館所藏檔案分類表 本館爲試行十進分類法，特編製此表，計分圖籍及物品，內閣檔案，軍機處檔案，內務府檔案，宮中各處檔案，清史館檔案，端方檔案等七表。

閱覽及借鈔

營造學社蔡申之先生借閱乾隆朝實錄七十八函。

輔仁大學張鴻翔先生借閱順治康熙雍正三朝實錄九十一函。

徐森玉先生借鈔明武職選簿三冊。

吳向之先生借鈔江南鄉試錄十六冊。

趙泉澄先生借鈔戶部黃冊二十二冊。


中華民國二十六年三月出版

文獻叢編二十六年第三輯

編輯 國立北平故宮博物院文獻館

發行 國立北平故宮博物院出版物發行所

印刷 北平宣內東斜街新新印書局
電話 西局 五五六八



郵費		價目表	
本埠	每月一分	五角	每月一册
外埠	每期一角	二元七角	半年六册
外國	每期二角五分	五元二角	每年十二册

文獻館刊物一覽及出版年月

掌故叢編	十七年一月—十八年十一月共出十輯
文獻叢編	十九年三月—廿五年底共出三十六輯 廿六年一月—三月共出三輯
文獻特刊	二十四年十月
文獻論叢	二十五年十月
俄文史料	二十五年十月
清三藩史料	廿年十月—廿一年九月共出六輯
史料旬刊	十九年六月—廿年七月共出四十期
清代文字獄檔	廿年五月—廿三年十月共出九輯
嘉慶朝清代外交史料	廿一年一月—廿一年十月共出六冊
道光朝清代外交史料	廿一年十一月—廿二年五月共出四冊
清光緒朝中外交史料	廿一年三月—廿一年十月共出四十四冊
清宣統朝中外交史料	廿一年十月—廿二年二月共出十一冊
日交史料	廿二年二月—六月共出三冊
影印道咸同三朝籌辦夷務始末	十九年一月
影印太平天國文書	二十二年四月
朝鮮國王來書	二十二年二月
清太祖武皇帝實錄	二十一年一月
清太祖努爾哈赤實錄	二十二年二月
多爾袞攝政日記	二十二年十二月
朝鮮迎接都監都廳儀軌	二十一年一月
康熙與羅馬使節關係文書	二十一年三月
讀書堂西征隨筆	十七年七月

名教罪人	十九年四月
昇平署岔曲	二十四年十月
昇平署月令承應戲	二十五年十月
碎金	二十四年五月
重整內閣大庫殘本書影	二十二年十一月
阿濟格略明事件之滿文本牌	二十四年五月
總管內務府現行則例	廿六年一月—三月共出四冊
清內閣庫貯舊檔輯刊	二十四年一月
雍正不錄奏摺目錄	十九年八月
軍機處檔案目錄	十九年一月
清內務府造辦處輿圖房圖目	二十五年五月
清代實錄總目	二十三年十一月
內閣大庫現存清代漢文黃冊目錄	二十五年四月
清季各國關會目錄	二十四年一月
乾隆內府輿圖	二十一年一月
交泰殿寶譜	十五年十月
歷代功臣像	二十四年十月
清代帝后像	二十年九月
蒙古邊疆各營駐防中越交界對汛法屯距界遠近圖	二十三年三月
印鑲明信片	二十一年七月
台灣風俗圖明信片	二十三年二月
太廟考略	二十三年六月
整理檔案規程	二十五年六月

本院出版物代售處

榮寶齋

北平琉璃廠
南京二馬路
上海河南路五馬路
漢口中山路交通路口內

直隸書局

北平琉璃廠

來薰閣

北平琉璃廠

修綆堂

北平隆福寺

大東書局

天津大胡同南口

墨緣堂

上海廣東路棋盤街二二九號

華亭書局

上海靜安寺愚園路二二五號

大新公司

廣州市四堤

淳輝閣

漢口寶華街六十一號